


П 88

6641

П. ПУНЕГОВ



ВЫЛЬ
тыдсаяс

КОМИ КНИЖНОЙ ИЗДАТЕЛЬСТВО

1960

П. ПУНЕГОВ

ВЫЛЬ жодсаяс

ВИСЬТЪЯС



КОМИ КНИЖНОЙ
ИЗДАТЕЛЬСТВО
Сыктывкар 1960

26641

БИБЛИОТЕКА
Республики Коми

Прокопий Иванович Пунегов

НОВЫЕ ЗНАКОМЫЕ

рассказы

на коми языке

Оформление П. Семячкова

Редактор *С. Морозов* Техн. редактор *И. Цивукин* Корректор *А. Чеусова*

Сдано в набор 26/VII-1960 г. Подписано к печати 14/IX-1960 г.

Формат $84 \times 108 \frac{1}{32} = 1,062$ бум. л. 3,48 печ. л. (Уч.-изл. л. 4,05). Тираж 2 000.

Заказ № 3176. Ц01715. Цена 1 руб. 20 коп. с 1. I. 61 г. 12 коп.

Коми книжное издательство. Дом печати.

г. Сыктывкар, Республиканская типография Полиграфиздата
Министерства культуры Коми АССР



ВЫЛЬ ТӨДСАЯС

Төдмаси ме Вера Осташевакөд кольөм тулысын. Буретш сэк менам кык чань торйөдчисны вөвъяс диньсь, нель сутки чөж эз петкөдчывны йөз син водзө. А вежон сайын тайө случайөдз орчча сельсөветса өти колхозысь куим ыжөс косявлісны көинъяс. Менө, кызди конюкөс, ёна шөгөдіс. Кытчө жө вермисны вошны чаньяс? Эз омөльдзыка төждысь и менам бать. Сійө то чөв оліс, то көритөмөн шыасьліс ме дінө:

— Эк, Ефим, Ефим! Он төлкөн уджав. Позьө өмөй том чаньясөс син улысь лэдзны. Найө өд ичөт челядь кодь жө вежөртөмөсь.

Ме сөмын чөв олі да быдторсө ас кежын думыштли. Быд лун шонді петөмсянь жө мөдөдчылі корсьны чаньясөс вөрса ылыс пөскөтинаясө, а бать корсис Буб юдорса видзьяс вылысь. Өти лунө ме кытшовтинин вөрөд верст комын гөгөр. Ёна мудзи. Но чаньясөс эг аддзы. Важ колода вылын шойччыштөм бөрын куті матыстчыны гортдорса давъясө.

Луныс вөлі мича, лөнь. Гөгөр сьылөны, жбыркъялөны вөрса лэбачьяс. Налы гажа, а меным шог. Муна водзө, видча чаньяс вылө: «Эк, ті, чөртпиян,— сёрни-та ас кежын,— быдті, радейті тиянөс, а ті со мый вөчанныд? Вунөдінныд, кызди ме быд лун мамысь гусьон тиянлы пирөгьяс гортысь кыскавлі!» Медъёна,

дерт, вида ачымӧс. Пыр ошкисны да ошкисны, кызди бур конюкӧс райкомолса членӧ бӧрйисны, а менам со мый артмис. Мый шуас ӧнӧ Коля Қанев, колхознӧй комсомольскӧй организацияса секретарь? Сийӧ райкомол пленум вылын и совещаниеяс вылын ме йылысь пыр сӧрнитӧ. А ӧнӧ мый? Эк, Коля, Коля! И тэныд ӧнӧ ме вӧсна лоӧ гӧрдӧдны колхозса комсомолецъяс водзын да райкомол водзын.

Тадзи быдтор йылысь мӧвпалӧг ме эг и казавлы, кызди петӧ ордым-трӧпа вылӧ. Эг на эшты вӧчны водзӧ воськов дас, кызд друг кыла чаньяслысь гӧрӧктӧм да ичӧт куканьлысь бакӧстӧм. Збыль-ӧ тайӧ? Гашкӧ нӧ, думайта, пуяс дзуртӧны либӧ сюзь дӧсадитчӧ? Но сюзьяс буксӧны войын, а пуяс дзуртӧны сӧмын ыджыд тӧвъяс дырйи, а ывлаыс вӧлӧ, мӧдарӧ, чӧвлӧнь, весиг тӧвру эз пӧльтышт. Кутӧ бара кывзысьны и дзик орччӧн кыла ныв гӧлӧс: «Менам ичӧтик зарни, ӧна мудзин? Но нинӧм, регыд гортӧдз воам. Восьлав, восьлав».

Ме котӧрті гӧлӧс шылань. Окота лои тӧдмавны, кутшӧм «зарнияс» ветлӧдлӧны. вӧрті, кутшӧм ныв ме моз жӧ танӧ собалӧ.

Недыр мысти менам синъяс водзын воссис татшӧм серпас: дженъыдик бӧжъяснас ӧтарӧ-мӧдарӧ ӧвтчиг туй кузя тшала восьлалісны менам чаньяс, а на бӧрын, кага моз кыздсюрӧ тальччалӧмӧн, вӧтчис гӧрд сера ичӧтик кукань. Медым сийӧ эз джӧмды либӧ бокӧ туй вылысь эз кеж, сийӧс кутышталіс бокӧдыс шӧркодъ тушаа, еджыд юрсиа ныв. На бӧрся вӧтчис лӧз сера мӧс. Сийӧ гоз-мӧдысь чушнитіс ме вылӧ да, плешсӧ увлань лӧдзӧмӧн, сувтіс меным паныдӧн. Мӧслысь тревожитчӧмсӧ гӧгӧрвоӧм бӧрын еджыд юрсиа ныв сувтіс меа-мӧска костӧ, пунктіс ки пӧвсӧ сылы шоша вылас. Мӧс раммис, матыстчис кукань дінӧ, нюлыштис сийӧс. Ме недыр чӧв сулалӧ, видзӧдӧді куканьӧс вайӧдысь вылӧ. Нывлӧн ичӧтик да лӧсьыдик чужӧмыс пӧсялӧма, кузь кӧсаыс дзугсьыштӧма.

— Эк, ті, брӧдягаяс,— первой кывъясӧн шыаси ме аслам чаньяс дінӧ.— Кутшӧм чӧрт тіянӧс та ылнаас кыскис!

— Мый?— эз гӧгӧрво менсьым кывъясӧс ныв да лӧз синъяснас видзӧдӧдіс ме вылӧ.

— Да ме этайӧ брӧдягаяссӧ вида,— чаньяс вылӧ

индёмён вочавидзи ныв юалём вылө.— Висьтав, пö-жалуйста, кытысь тэ найöс аддзин?

Ныв гажая серöктіс да шуис:

— Ме тэнсьыд чаньястö эг корсь. Найö асьныс локтöмаöсь менам «Ласточка» да кукань дінö. А ми-чаöсь тиян чаньясыд. Кыдзи найöс шуöны?

Меным кажитчис, мый нылыс шутлив да ме шут-каён моз жö вочавидзи:

— Öтиыс — дезертир и мöдыс — дезертир, вообщö абу скöтинаяс, а — мазурикъяс.

— Но! Тэ тай зэв мастер нимъястö сетапны.

— Мый нö сэсся? Найö жö нельöд лун нин пышь-ялöны.

— А коді таысь мыжа?— сюся ме вылө видзöдö-мён юалис ныв да лöсьöдыштіс пель сайысь петöм юрси пратьяс. Ме немтор эг куж вочавидзны, и ныв содтіс:— Чаньясыд, ме думысь, абу мыжаöсь. Найö жö нинём на оз гөгөрвоны, кыдзи и менам куканьöй. Ворсісны, ворсісны öта-мöдныскöд, торйöдчисны мамъяс дінсьыс, а сэсся ылалісны вөрö, вошисны. А налөн кöзяиныс, но конюкыд тиян, тайö каднас нюж-масьöм, тыдалö, ёна да бур вöтъяс вöталём.

Нывлөн бөръя кывъясыс менö быттьö петшöра-лісны. «Тайö ме нюжмасы?— ас кежын думышти, но нинём, дерт, эг шу.— А тэ, нылукöй, тыдалö, меысь на дырджык вöтасьöмыд, весиг мöскыд куканясьöма вöрын».

А ныв эз виччысь мясянь воча кыв да водзö нуöдіс:

— Бур конюклөн вöвъяс некор оз вошлыны. Со миян суседъяслөн «Луч» колхозын, небось, некор не-кутшöм чань ни вöv оз вош. Сэні, висьталöны, тэ кодь жö пö том морт конюкалö, но сылөн пö ок кутшöм пöрадок, и чаньяс быдтём кузя быд во пö планъяс тыртö.

— Тэ тöдан сійöс али мый?— веськыда синъясас видзöдёмён ме юалі сылысь.

— Тöдны ог тöд, но йöзыс öд висьталöны. Кольём собрание вылын на миян колхозса председатель вись-таліс, мый «Луч» колхозса конюк Ефим Рочев — рай-онын медбур конюк.— Ныв сувтліс тайö кывъяс бöрын да нюмдёмён содтіс:— Тэныд колö велöдчыны сы-лысь. Сэк чаньясыд оз кутны вошласьны.

Нывлөн кывъясыс меным быттьо сутшкисны сёлөм динө, но ме немтор эг петкөдлы ассянь да шуткаөн моз вочавидзи:

— «Пө» да «гашкө» вылө эн веритчы.

— А тэныд завидь,— эльтчиг шуис сійө да содтис:— Завидь, завидь.

Ме дзикөдз шөйөвоши, эг төд, мый водзө шуны. Сійө ошкис менө, и сералис ме вылын. Здук кижлө сёрни орли миян костын.

— А тиян чаньясыд кутшөм колхозысь?— бара панис сійө сёрни.

— Менам чаньяс? Чаньяс менам сійө колхозысь жө, кытысь и чань видзысьыс,— шуткаө вуджөди сёрнисө.

— Сидзкө, кытысь чань видзысьыс?..

— «Смел котыр» колхозысь,— пөшти думышттөг петисны менам кывъяс. Пөръяли, и аслым эз ло лөсьыд.

— Сидзкө, сидзи и пасьям, мый «Смел котыр» колхозын конюкыс кык чаньөн лун вошталө,— сійө жө тонөн шутитис ныв.

— А тэнад «Ласточкаыд» кутшөм колхозысь?

— Ме,— гажаа серөктис ныв,— «Изъя мыльк» колхозысь, а «Ласточка» ог төд кытысь.

— Тэнө оз шуны Вераөн?

— А кыз менө тэ төдан?— чуймыштитис ныв.— Тэ миян колхозө воывлин али мый? Ме тэнө мыйлакө эг на аддзыв.

Тадзи Веракөд ми варовитим миян колхозө кежан туй вождз. Кор чаньяс кежисны миян колхозлань, «Ласточкалысь» куканьсө мырдысьөн ковмис бергөдны мөд туйө. Сійө некыдзи эз көсйи кольччыны менам чаньясысь. Вера менсым юалис:

— А тэнө кыз шуоны?

Ме гөрдөди, сэтшөм эз ло лөсьыд неважөнся пөръялөмысь, көть му пырыс мун.

— Вера, ме тэнө өнтай пөръяли... Менам чаньяс «Луч» колхозысь, а менө шуоны Ефим Рочевөн.

— Вот кыз!..— шензыштитис Вера, но нинөм водзө эз шу. Сэсса нюммунис, мелиа видзөдлис ме вылө. Тыдалө, көсйис мыйкө шуны, но эз аддзы колана кывъяс и өдийө бергөдчис куканьлань да, сійөс бөкөдыс кутышталиг, мөдөдчис сиктлань. Ме сувтыштли да

думышти: колё оз вёлі висьтавы ас йылысь Вералы. Оні Вера висьталас чаньяс вошлём йылысь «Изъя мыльк» колхозса том йёзлы, а найё лэптасны менё серам вылө.

Кывлі нин ме, кутшөмось пö сэн том йёзыс: сөмын артистъясөн да учёнойясөн көсийоны лоны, сьод уджысь пышйоны, лун-лун бокьяссө пөжоны берег дорын. Эз этшаысь нин сёрнитлыны та йылысь пленумъяс вылын, эз этшаысь гөрдөдлы йёз водзын налөн комсомольскöй организацияса секретарь Борис Аксенов.

* * *

Быдсяматоръяс йылысь думайтиг ме чаньяскөд төдлытөг вои сиктөдз. Эг на эшты найёс нуөдны йөрөдз, а ме динө нин котөртисны Коля Канев да Ваня Осташев.

— А ми думайтим,— сьökыда лолалиг заводитис Коля,— мый тэ вошин. Абу төлка, Ефим, кор татшөмторъяс он висьтав аслад ёртъяслы. Тэнö талун телефон дорө кыкысь нин корліс райкомолса секретарь, а тэ некөн абу. Тадз, другө, водзö оз позь. Райкомолса секретарь тшөктис тэн, кызди райкомолса членлы, ветлыны «Изъя мыльк» колхозса комсомольскöй организацияö, сетны отсөг. Гөгөрвоин?

Ме неуна шөйөвошли. Öти-кө, ме некор на эг вөчлы татшөм гырысь поручениеястө. А мөд-кө, чаньяс воштылөм бөрын мен эз вөв окота ветлыны мукөд колхозъясө. Вера, төдөмысь, висьталис нин том йёзлы чаньяс вошлөм йылысь, и сэні серам вылө менө лэптасны. Медся нин «Изъя мыльк» колхозса Матвей дядь — МТФ-са заведующöй: ок и ёсь кывъя морт сийö — бритватөг вундалö!

— М-да. Делöяс,— шуи ме налы.— Сэтчө ме ог мун.

— Тэнад делö,— пельпомъяссө лэптыштлөмөн шуис Коля.— Ачыд төдан, кызд шуасны, райкомолса членлы да начальстволы бурджыка ставыс тыдалö. Сөмын тэ ачыд та кузя йитчыв райкомолса секретарькөд, а то миянлы оз ло лөсьыд.

Менам юрын ас костас дыр вензисны разнöй думъяс. «Кутшөм нө ме комсомолец да ещö райко-

молса член, кор пола йӧз динӧ петны да йӧз серамысь, критикаысь яндыся», — думайті ме ас кежын. А мӧд мӧвп кыскис мӧдарӧ: «Эн мун, серам вылӧ лэптасны».

— Ме трус! — гораа артмис менам, весиг мам кыліс тайӧ кывъяс шуӧмсӧ да юаліс:

— Мый нӧ тэ, Ефим, ӧтнад сёрнитан? Бара нин кутшӧмкӧ концерт кежлӧ лӧсьӧдчан?

— Ог концерт кежлӧ, мам, а аслам важ пережитокъяскӧд тышкася...

Мӧд рытнас ме восьлалі «Изъя мыльк» колхозлань. Первой мортӧн, кодкӧд ме паныдаси, вӧлі артельса председатель Сидор Михайлович Артеев.

— Кывлім, виччысям, — шыасис председатель. — Ачыл тӧдан, мян колхозын партийной организация абу. Став уджыс ӧні усӧ комсомольской организация вылӧ. Но мый вӧчасны вит мортыд.

Кыдзи и пыр овлӧ том йӧз чукӧртчигъясӧн, колхоз правлениеын вӧлі шума да гажа. Шуткаяс да серам сорласисны ӧта-мӧдыскӧд. Торйӧн ӧна кыліс гӧлӧсыс кудриа юрсиа том зон Алексейлӧн. Сылӧн лэчыл шуткаясыс кадысь кадӧ кыпӧдлісны сэтшӧм гора серам, мый колхоз правлениеса председатель Артеев размӧдысь нин босьтіс пызан вылысь карандашсӧ, медым тринькнитны графинӧ да лӧньӧдыштны том йӧзлысь гӧлӧсьяссӧ.

Артеев висьтыштіс колхозной делӧяс йылысь. Бӧръя кык воӧн артель тӧдчымӧн ӧнмыштіс, кык пӧв содтіс йӧв лысьтӧм, государстволы яй вузалӧм. Колхозникъяс шуисны: кӧть кыдзи, а вӧтӧдны Америкаӧс йӧв да яй вӧчӧм кузя.

— Та вылӧ мян ставыс эм, — водзӧ сёрнитіс Артеев. — Сӧмын кияс оз тырмыны. А тайӧ киясыс эм сиктын, том йӧзлӧн пельк да сюсь кияс, кодъяс вермасны вӧчны чудеса. Но ӧткымынъяс оз кӧсйыны мунны фермаӧ, кокныд, бумажной удж корсьӧны. Найӧс ті тӧданныд...

— Тӧдам сэтшӧм зимӧгоръястӧ, — крапкис кодкӧ пельӧссиянь.

— Кӧть босьтӧй Алексей Костинӧс, мӧдӧд во нин фокусничайтӧ, — горӧдіс комсомольской организацияса секретарь Борис Аксенов.

— Шуӧны, карын пӧ вӧсьӧма тӧв чужъялӧм кузя

виль институт и сійос пö сэтчö корöны директоравны,— горöдiс кодкö. Ызöбтiс серам.

— Мый паскöдiд вомъястö?— чеччыштiс места вывсьяс Алёша.— Тi он вермö менö кутны сиктын, öнi абу царскöй строй, а, кыз шуасны, ыджыд демократия и...

— Эй, демократ, а кодi мöдас няньсö кöдзны да йöвсö лысьтыны?— шыасис öти ныв.

Бара серöктiсны ставöн.

— Алёша, а тэ збыльысь вай мöс лысьтысьöн ло,— кияссö нюжöдiс Борис Аксенов.— Вот лоö здорово: районын первой зон — мöс лысьтысь. Позяс сэк быд пленум вылын сёрнитны. И комсомолö примитам.

Серам да шум и збыльысь лöнисны, кор Артеев тринькнитiс карандашöн графинö.

— А мый ми кутам вöчны комсомолас? Эмöсь со миян колхозын вит комсомолец, но мыйöн найö мияньсь торъялöны?— юалис Алексей.— Лучшö карö муна.

Бөръя радъясын серöктiсны, а комсомолецъяс чöв олiсны.

— А мый нö? Збыль сiдзи и эм,— шыасис Вера дiнын сулалысь лöз чышъяна ныв, кодöс шуисны Нинаöн.— Мый ми кутам вöчны комсомолас? Прöстö ним вöснаыс сэтчö гижсьöны али мый?

— Тэ татчö пет, а йöз мыш сайсянь эн сёрнит,— ныв дiнö шыасис Артеев.

— Ме йöз мыш сайсянь некор ог сёрнит, а висьтала мый эм,— неуна öбидитчöм гөлöсөн шуис Нина да пукалысьяс костöд локтiс пызан дiнö.— Комсомолецъяс миян öнi кежлö нинöмөн на асьнысö эз петкöдлыны, уджалöны омöля...

— Кыззи сiдз омöля? Тэ вайöд фактъяс,— дözмöм гөлöсөн шыасис Борис.

— Кутшöм факт тэныд колö?— ёся видзöдлiс сы вылö Нина.— Краснöй уголокыд абу? Абу. Библиотекаыд абу? Абу. Ни самодеятельность кузя, ни физкультура кузя кружокъяс абуось. Весиг том йöзлы чукörtчывны некытчö,— сэсся друг бергöдчис председательлань да шыасис сы дiнö:— Тэ вот, Сидор Михайлович, во сайын нин кöсийысьлiн краснöй уголок улö помещение аддзыны, гармошка ньöбны, а öнöдз пыр вунöдчан?

— Сідз, сідз...— ус йывсö гартыштiгмоз шыасис Артеев Нина сёрни костын.— Висьтав водзö!

— А водзö и висьтавнысö нинöм, ставыс яснö,— гөгөр видзöдлiг шуис Нина.— И водзö кутасны мунавны том йöз карö.

Нина бöрын сёрнитiсны ещö куимöн, но найö висьталiсны пöшти сийö жö, мый и Нина. Меным лои яснö, мый комсомольскöй организация тани слабиник. Тайö тыдовтчис и комсомольскöй организацияса секретарь сёрниысь.

— Тi мыжаланныд миянöс омöля уджалöмысь,— помалiс ассыс сёрнисö секретарь.— Миянлы колö пополнение, а пополнение оз лок. Таво тöвнас сетлiс шыödчöм öти ныв. Ним, овсö, дерт, ог кут тани висьтавны. Сетiс шыödчöм, а собрание вылö эз лок. Повзис, буракö. Со сэсся и уджав.

— Абу сідз, абу сідз тайö!— кыліс бөрья радъясысь кодлөнкө зэв тöдса гөлöс.— Вайлö, сідзкö, меным некымын кыв.

Бөрья радъясын пукалысьяс косттi пызан дiнö öдйö писькöдчис Вера Осташева. Сылөн чужöмыс вöлі банйöма, лöз синъясыс крутöя видзöдлiсны öтарö-мöдарö да паныдасисны менам синъяскöд. Сэсся крута бергöдчис йöзлань, шыбитiс водзас öшйöм кöса пöвсö мышкас.

— Тэ шуан, повзис? А делöыс не повзёмын. А тэ юавлiн менсьым, мыйла ме сэк собрание вылас эг лок? Менам сийö луннас кык кукань висьмисны, районöдз ветлi ветеринарла. Локтiгөн перевозын эз вуджöдны да сёрми собрание вылад...

— А сёрмöдчыны оз ков. Кöсьян кö пырны комсомолö, колö вöлі локны, а не карö мунны,— косiника шуис секретарь.— Комсомолö пырöм,— абу ворсöм.

— Да, да, абу ворсöм,— сэтшöм жö пöся кутчысис бөрья кывъясö Вера.— Ме шыödчöмöс сетлi эг ворсöм могысь, а тi сідз-тадз видзöдлiнныд сы вылö.

Вера кöсийс ещö мыйкö висьтавны, но друг джöмдiс да сувтiс кыв джын вылö. Председатель тшöктiс водзö сёрнитны, но Вера шеныштiс кинас да, места вылас мунигмоз нин, öбидитчöмөн шуис:

— Водзö сэсся висьтавны нинöм йылысь. Ме ставсö висьталi, мый тöда, а мый ог тöд, сы йылысь и сёрнитны нинöм.

Собрание кыссис сёрөдз. Бөръя мортъясөн правлениеысь петім ми витөн: комсомольскöй организацияса секретарь, Сидор Михайлович, Нина Семяшкина, Вера да ме. Ме кöсйыси лун-мөд мысти бара волыны «Изъя мылькйö».

— Бур туй тiянлы,—киасис мекöд артельса председатель да Борискöд кежисны матысса керкаясö. Ми куимөн мөдöдчим водзö.

— Тöдмасьöй,— шуис Вералөн пöдругаыс Нина.— Тiянкöд радөн мунö районса известнöй доярка Вера Осташева. Колян во лысьтiс быд мöслысь нель сюрс литр, а таво...

Сiйöс торкис Вера:

— Тырмас тэныд, Улановаöс вежысь.

— Сiйö скромничайтö, гашкö и нöшта лоö депутатөн,— кывъяссö артист моз вежнöдлöмөн шуис Нина. Сiйö сувтiс да съöd синъяснас ворсiг видзöдлiс ме вылö:— Рочев ёрт, а тiян сиктын гудöкасьысьяс эмöсь?

— А кызд жö? Весиг баянист эм.

— Ой-да,— ышловзис Нина.— Быдлаын йöзыс олöны кызд йöз, а миян?— Сiйö лэптыштiс вылын морöссö, бергöдчис да мича походканас тшапа мөдöдчис лöz краскаөн краситöм керкалань. Неуна муныштöм бöрын сiйö бергöдчис миянлань да шыасис:— Верунь, зонсö эн кынты да пычки сылысь аскомысь кежлö баянистсö. Гут бай...

— Эк, тэ, шудтöм артистка,— шöпнитiс Вера.— Локтiн кö мöсьяс видзны, эськö мортö пöрин.

Вера висьталöм серги ме тöдмалi, мый Нина Семяшкина бать-мамлөн öтка ныв, сиктын медбур сылысь. Дас класс помалöм бöрын заводитчылiс пырны институтö, но оз вермы сдайтны экзаменъяс. Кыкысь лэччылас карö, театрö пырны, но сэнi местаясыс абу вöлöма. Бать-мамыс оз лэдзны нывсö уджавны, полöны воштыны нылыслысь тыдавтöм гырысь талантъяссö. Алёша Костин — сирöта, быдмöма бабушка дiнас, помалöма көкъямыс класс. Заводитлöма фотографавны, складын уджавны, сэсса районса парикмахерскöйöдз волас, но некөн оз дыр кутчысь.

Татшöмъясыс сиктын олöны морт дас вит.

Сэсса сёрни миян костын эз клеитчы. Окота вöли сёрнитны и кажитчö немтор йылысь вöли сёрнитнысö.

Зэрөн мыськөм туй бокті тувччалігөн Вера вильснитіс, и ме кватиті сійөс сойөдыс, а сійө топыдджыка жмитчис ме дінө.

Тыдало, чөв олөмыс эз ло лөсьыд да Вера юаліс менсьым:

— Кывзы, Ефим, а тэнө эз видны колхозад чаньяс воштылөмсьыд?

— А тэнө «Ласточкасьыд»?— воча кыв пыдди ме юалі сылысь асьыс.

Вера челядь моз гораа серөктіс, синсө читкыртыштөмөн видзөдліс ме вылө да гырджанас кокныдика тувкнитіс бокө.

— Эк тэ, конюк... Став чаньястө регыд воштан.

— А тэ «Ласточкатө» эн вошты,— вочавидзи ме.— Помнитлы менсьым кыв, мый «Ласточкаыд» тэнад не өтчыдысь на вошлө.

— Некор оз ло сійө,— пөся шуис Вера.

— А вот помнитлы менсьым кыв. Өтчыд кө куканясис вөрын, сідзкө мөдысь вөрө жө мунас.

Тадзи сёрнитігөн ми воим Вера керка дорө. Сійө тэрыба котөртіс өшинювса йөрө да, тэрыба көпрасьөмөн, кутіс өктыны цветьяс. Сэк жө сійө бөр ма- тыстчис мелань.

— Ефим, тэ радейтан цветьяс?

— Радейта.

— Тайө ми Нинакөд быдтім,— ичөтик кияснас меным букет нюжөдіг шуис Вера.— А тэ аски волан?.. Краснөй уголок котыртама. Баянистгө эн вунөд.

— Вола, непременно вола.

* * *

Мөд лун асывнас ме ордө воис Борис Аксенов. Собрание помасьөм бөрын ми шум паныдасьны ськөд, төлкуйтыштыны комсомоллысь удж бурмөдөм йылысь, краснөй уголок лөсьөдөм йылысь, комсомолө том йөзөс кыскөм йылысь. Аксенов мен зэв кажитчис. Сійө веськыда висьталіс, мый сылы сьөкыд уджавны комсомольскөй организацияса секретарөн, веськөдлыны комсомолецьяс уджөн.

— Ме производство вылын уджала,— небыдик гөлөсөн шуаліс сійө,— а тайө удж вылас ог вермы,

прөстө оз тырмы менам сям, кужомлун. Тэ, Ефим Алексеевич, кор ветлан райкомолө, сідзи и висьтав, мый ме ог вермы уджавны.

— Эн маитчы, Борис,— ышөді ме сійөс,— делө миян суседскөй, отсалам. Миян колхозъяс костын сөмын вит километр. Ми индам тиянлы отсөг вылө асла-ным колхозысь комсомолец Ваня Осташевөс — крепыд комсомолец, баянист.

— Ог төд, артмас оз меысь комсомольскөй юрнуөдысьыд,— юрнас довкнитіс Борис,— бур отсөгтөг, төдөмысь, нинөм оз артмы.

— Тэ кывлін эн нин — миян зимогорьясыд карө пышйөмны. Вот кутшөм делөясыд! Алексей Костин веськөдлысьыс, юртөм циркачыс,— висьталө Борис.

— И Нина Семяшкина тшөтш муніс?— төдлытөг петісны менам кывьяс.

— Тшөтш жө пө кок пыдөсыс лудө.

Ме тырвийө гөгөрвои, мый Борислы сьөкыд веськөдлыны комсомольскөй организацияөн, но ыджыдджык сөветьяс ме и ачым эг вермы сетны. Көсийыси матысса луньясө ветлыны районө, став йывсьыс сёрнитны.

Та бөрын ми сёрнитчим Борискөд пыр жө мунны «Изъя мылькйө» да прамөйджыка сёрнитны краснөй уголок йылысь председателькөд. Час мысти нин ми вөлім «Изъя мылькйын», колхоз правление дорын. Председательөс суим буретш правление кильчө вылын, кодкөд зэв пөся мый йылысь кө вензис Нина Семяшкина.

Кор ми висьталім сылы асламым мог йылысь, сійө индіс чуньнас гөрдөдөм чужөма Нина вылө.

— Тайө вопрос кузя ті неуна сёрмыштінныд,— нюмдөмөн да синьяссө читкыртлөмөн шуис Артеев.— Тайө вопрос кузя со менө Нина часысь дырджык нин төчитіс да пилитіс. Сэтчөдз менсьым пөрысь лысьөмөс пыркөдіс, мый ни өти бустор сэні эз коль. Мед лоө ті ногөн: краснөй уголок улө решитім сетны Татьяна Елсуковалысь керкасө, кодөс кольөм во ньөбим скөтнөй двор дінө нуөм вылө.

Председатель видзөдліс Нина вылө, сэссия ме вылө, босьтіс Нинаөс ки пөлөдыс да шуис:

— Аддзан тайө нывсө,— мигнитіс мелань син пөв-нас.— Абу ныв, а — порок. И сьывны, и йөктыны, и

пинясьны — нывка первой сорт. Ок, кутшом прамой жоникос и порьялас!.. Сомын тай каро бара пышой-а.

— Сидор Михайлович! — кутчысис сийо Артеевлы ки полас. — Тэ мый ме выло лишной сёрнитан? А вот босьта — и некытчо ог мун.

Ми воим сийо керка дородз, кодос Артеев койсис сетны красной уголок улө. Тайо вөли кык ыджыд комнатаа керка. Оти комнатасьыс джынвийо вөли разьома джоджсо. Ремонттог, дерт, тані нинөм оз артмы.

— Аски жо сувтода кык плотникос, — шыасис председатель Борис динө. — Вежон мысти лоо готов. Сомын тиянлы, том йозлы, рыт помьясын отсыштны ковмас.

— Ми сайын делө оз сувт, — юрөбтис тыртөм керкаын Ниналөн ёсь голөсыс.

Лыддысян керка улө индом помещение видлалөм бөрын Нинакод мододчим колхозной карта динө, медым аддзодлыны Вераос.

Мунигөн Нина кутчысис меным веськыд сойө, кыз быттьо важ тодсалы, да зэв тэрыба кутис тувчавны посьныдик оськовьясон. Сийо кутис юасьны менсьым сэтшөмторьяс йылысь, мый мен сьокыд вөли сетны воча кывьяс.

— А кыз думайтан, Ефим, миян Вера йылысь? Шань од нывкаыс?

— Вера, ме ногөн, прамой ныв.

— Тэныд воө сьолөм вылад?

— Да ми жо ськод сомын кык лун на тодсаось.

— А век жо? Прамой мортос позьо и кык лун бөрын заводитны радейтны.

— Ог тод.

— А Вера тэнө радейтө. Ме тода нин — радейтө.

Меным окота вөли регыдджык воны колхозной карта динө, медым помавны тайо ковтөм юасьомьяссө. Карта динын миянлы паныдасис Матвей дед — МТФ-са заведующой. Сийо нималис, кыззи бур руководитель, зэв ёсь старик.

Нина котөртис Вера динө. Ми колим Матвей дедкод кыкөн. Ме эг тод, мыйсянь ськод заводитны сёрнитны, но дед ачыс мездис менө чөв олөмысь.

— Тэ нө кытысь? Гашкө, районысь? — каллянсө озтиг юалис сийо менсьым. — Гашкө, скөтьяс либө фермаяс кузя ветлан?

— Ог. Ме тась, «Луч» колхозысь.

— «Луч» колхозысь? Но, сё морё. А ме тай нё эг тёд кодлөн лоан?

— Данил Алексейлөн.

— Тода, тода. Отлаын салдатын служитлім,— гогрөс тошсё малыштіс Матвей.— Кывлі и тэ йылысь. Бур, бур, мый вөвъясөн бура вөдитчан. А татчө нё, миянө, кутшөмкө делөясөн, али сідз прөста?

— А сідз, тиян комсомолецъяслысь уджсё видлыны локті,— вочавидзи ме сылы,— төдмасьны, кызди найө уджалөны.

Матвей гыжйыштіс тош пөвсө:

— Комсомол миян слаба на уджалө. Борис көть менам племянник, ме веськыда шуа: комсомольскөй удж вылын слаб. Колө сійөс прамөйджык мортөн вежны, но некодөн.

— Кутасны бурджыка уджавны,— шуи ме, медым сёрнисө не ордны Вера вотөдз.

— А миян скөтницаяс дорө кутшөм могөн? Гашкө, комсомольскөй делөясөн жө?— ус пырыс нюмдөмөн шуис старик.— Скөтницаяс пөвстын миян комсомолкаясыд абуось. Онө-ө нин миян скөтницаясысь кодкөдкө, кыз шуасны, шуры?.. Смотри, пиө, миян «Изъя мылькса» нывъяс ёсьөсь, лэчыдөсь, он и төдлы: ныртө либө пельтө вундасны. Босьтам көть, шуам, этайөс. Абу ныв, а— чөрт! Синтө лапнитны он вевъяв, кызди чунь гөгөрыс песовтас. А эм ешө Вера, көть сійө рамджык, но сылы чуньтө вомас эн жө суй... А веськыда кө сёрнитны, тэ менам МТФ-ысь нывъясөс удж дінысь эн ылөдлы. Сыысь ошкыны ог кут. Со, этайө артисткаыскөд позьө, абу жаль, кадыс сьлөн уна.

Ме дзикөдз шөйөвошлі Матвей дедлөн помся юасьөмъясысь. Медбөрын, скөтнөй двор сайысь мыччысис Вера. Сійө котөрөн локтіс ме дінө да матыстчигмозыс на чургөдіс кисө:

— Ми тэнө рытнас виччысим.

— Меным тэкөд отитор йылысь колө вөлі сёрнитышты отнадкөд.

Матвей дед мөдөдчыліс нин, но кор кыліс Вера сёрниысь бөръя кывъяссө, сувтіс, раз-мөдысь юрнас докнитіс да шуис:

— Ай да, Вера! Но-но-но... Оні ставыс гөгөрвоана.

Тэ нө, Вера, мыйла йоз колхозысь зонъяссö кöвтан, али асланым колхозын зон рöдыс абу?— Сэсся шеныштіс кинас.— Көть карö пышійсны öткымынъяс, а бур зонъяс колины.

Вера нинөм эз вевъяв шуны Матвей кывъяс вылө, сöмын гораа серöктіс. Сійö лөсьöдыштіс пель дінсьыс юрси пратьяссö да шыасис ме дінö:

— Тöдан мый, Ефим? Ме öні вöлі гижә зэв важнöй бумага, а тэ торкин. Но, ладнө, локтін кö зэв бур!— Сэсся сувтовкерис да нуöдіс водзö:— Тöдан, Ефим, ме гижә заявление комсомолö. Тöрытсәнь лоины менам олöмын ыджыд вежсьöмъяс. Ме талун та йылысь сёрниті Борискöд. Тöрыт көть ми ськөд и вензим, а зонмыс сійö абу шыбитана.

Ми мөдöдчим Веракөд му борйöд сиктлань. Шондыс нин вöлі воö лун шөр кадö. Сикт дорö воигөн Вера сувтіс да тэрмасис бөр косны.

— Тэ, Ефим, висътав дженъыда, мый йылысь вöлі көсьян мекöд сёрнитны. А то ме ог эшты, уджыс вывті уна.

— Меным öні сёрнитны нинөм йылысь,— шуи ме сылы,— көсья вöлі сёрнитны комсомолö пырöм йылысь, а тэ нин заявление гижöмыд. Сідзкө, сы йылысь нинөм и сёрнитны.

— Артмö — панйи тәнö, Ефим?

Кор сійö тöдмаліс, мый ме öні муна гортö, а ог колхоз правлениеö, сійö менсьым юаліс:

— А рытнас талун волан миянö? Волы, гажа лоö. Миян том йоз кужöны гажöдчыны.

Ме сылы шуи, мый талун волены ог нин эшты. Висъталі, мый районö мөдöдча талун рыт либö аски асывсянныс. Вера видзöдліс ме вылө, сэсся увлань лэдзис синъяссö да ньöжйөнникөн шуыштіс:

— Районсьыд воөм бöрад волы. Воливлы частöджык.

Тайö лунсянныс менам сьöлöмын чужис кутшöмкö öнөдз тöдлытөм виль чувство. Кажитчö вöлі, мый свет вылас абу Вералөн кодь небыдик да мелі гөлöсыс, мича көсаыс да помтөг нюмъялысь чужöмыс.

Районö мунөм водзвылын ми сёрнитчим асланым «Луч» колхозса комсомольскöй организацияысь секретарь Коля Каневкөд, медым «Изъя мылькса» комсомолецъяслы отсөг сетөм да накөд йитөд кутөм мо-

гысь торйодны мянысь өти комсомолецос. Кандидат-
он тайо удж выло ме ассянь инди Ваня Осташевос.
Коля Канев согласитчис мекод. Мунтодз сёрниті та
йылысь и аскодыс Ваня Осташевкод.

— Ме коть кытчө,— паськыда нюмдөмөн вочавид-
зис Ваня,— менам кө сьорысь эм гармошка да ме
дінын эм том йоз, быдлаын мен гортысь-горт.

* * *

Районө ветлыны ме арталі лун-мөд кежлө, но
збыльысьсө колис көкъямыс лун. Кык лун кыссис
райкомоллөн пленум, куим лун чөж мунісны семи-
наръяс. Райсельхозотделын вөлі животноводство
кузя совещание, а сэсся асланым колхозса председа-
тель тшөктіс өти сайысь ветлыны карөдз, пöлучитны
колхозлы да вайны кык косилка. Гортса пристаньö
ме вои сөмын өкмыс лун мысти.

Кадыс вөлі рытьявыв нин. Пристаньын менө
паныдаліс Ваня Осташев. Сійө вөлі праздник лунө
моз вөччөма, морөсас дөлаліс вильөн ньөбөм клетча-
төй галстук, веськыд пельпомас вольтсалөма хром-
касө.

— Мыйла тэ абу удж вылын?— юалі сылысь
ме,— кутшөм праздник талун?

— А менам талун и збыльысь позьө шуны празд-
ник,— вочавидзис Ваня Осташев.— Талун менам чу-
жан лун. Сөмын өтнадлы празднуйтны, кор став
йөзыс уджалөны, вывті сьөкыд. Некидзи луныс оз
коль. Пароход мыччысьөм бөрын тэнө встречайтны со
лэччи.

Ме пыр жө куті юасыны, мый вөчсьө колхозын,
ветліс-ө сійө «Изъя мыльк» колхозө, заводитісны-ө
сэні ремонтируйтны клуб улө помещение. Мыйсюрө
юаси Вера йылысь.

— «Изъя мылькйын» өні ставыс мөд нога,— кыпы-
да заводитіс Ваня Осташев.— Тэ дырйи сэні нинөм на
эз вөв, а өні клуб нин эм, заводитісны уджавны кык
кружок, но и мукөдтор...

— Тэ сэтчө унаысь ветлін?

— Быд лун,— нюмдіс Ваня да шуйга кинас бөр-
выв сыныштіс сьод юрсисө.— Метөг сэні оз бергөд-
чыны, метөг овны оз вермыны!

— Мый нө нин сідз?— шензьөдісны менө Ваня-лөн кывъясыс.

— А мый нө сэн гөгөрвотөмыс? Налөн выль клубын уджалө самодеятельность, но... хоровой кружок, а музыка абу некутшөм. А кутшөм нө сьылөм музыкатөг! Но вот ме налы и музыка пыдди и оркестр пыдди...

— Гөгөрвоа, гөгөрвоа,— ошкышти ме Ваняөс.— Сідзкө делөыс лад вылын?

— Полной ход вылын!

— И талун, гашкө, мөдөдчан ветлыны?— юалі ме, а сэсса содті:— Да, ме вунөдчи: талун өд тэнад чужан лун!

— Муна, непременно муна. А мый меным сійө чужан луныд! Час мысти көсйыси лоны сәні. Ог көлок, бур оз ло — «Изъя мылькса» нывъяс нөйтасны, ей-богу, нөйтасны!

— Вот кызд!— төдлытөг петісны менам вомыс кывъяс.— Сідзкө, тэнад сэн нин нөйтысьяс эмөсь? Ай да, Ваня!

Ваня кызкө зэв аслысногөн нюмдіс да небыдик гөлөсөн заводитіс:

— Эк, Ефим, дельной и нывъяс эмөсь «Изъя мылькйын»! И том йөзыс дельнойөсь, уджавны сәні позьө,— сэсса сувтыштліс, ышловзис:— Төдмаси сэн ме өти нывкөд, друг мортлы тэн висьтала, абу ныв, а — би. Оні нимсө ог на висьтав.

— Нина Семяшкина?

— А тэ мыйөн төдан? Ті сыкөд төдсаөсь али мый?

— Нина абу би, а сідз-тадз, белоручка, регыд вом доръяссө мөдас краситны. Татшөм краляыскөд комсомолецлөн өти туй оз вермы лоны.

— Тэ сыкөд збыль төдса али мый?— неуна вежсьыштөм гөлөсөн выль пөв юаліс Осташев.

Медым Ванялысь кыпыдлунсө не уськөдны, ме шуи:

— Ме эськө ог төд, но Матвей дед висьталіс кутшөмкө Нина йылысь: абу пө ныв, а сідз-тадз, кад сөйысь пө.

— Матвей дед сійө висьталас,— кыпыда шыасис Ваня.— А збыльысьсө Нина — дельной ныв. Вот төд-масын, аддзан! А налөн скөтнөй двoryн эм мөд ныв, Вера нима. Сійө зэв жө дельной, но абу Нина кодь.

Меным сьёлөмө чуткисны Ванялөн бөрья кывъ-
ясыс, кор сійө казтыштіс Вера йылысь. Көсйи
юавны, мыйла сідз, но буретш сәки эштіс менсым
грузос петкөдөм да пароходса боцман чукөстис кыры-
мавны накладнөйяс.

Машинаясос коли берегө, пристаньса стөрөжлы, а
ачым мөдөдчи Ваня Осташевкөд сиктлань да бара
пані ськөд сёрни:

— Но, шуан, Нина тэныд воис сьёлөм вылад, а
Вера эз.

— Да кызди шуны... Вера зэв жө шань ныв, но...
сійө абу Нина кодь.— висьталіс Ваня Осташев.—
Ниналөн характерыс пыр гажа, ме кодь жө дзик.
А Вера... Вера то гажа, то шог— характерыс абу
рөвнөй.

«Сідз, сідз, Ваня,— думайті ме ас кежын,— тэ,
тыдалө, тайө көкъямыс луннас «Изъя мылькйын»
удж нуөдөмыд не сөмын комсомольскөй линия кузя,
но тшөтш и мукөд линияяс кузя».

— Вот мый, Ефим,— горт дорө воигөн нин шуис
Ваня,— ветлам талун «Изъя мылькйө». Виль клубсө
видзөдлам.

Ваня Осташевлөн кывъясысь ме эг өткажитчы.
Меным збыльысь вөлі окота видзөдлыны сәсь виль
клубсө и Веракөд аддзөдчывны. Ме пырті гортө че-
моданөс, вежсышті, мунігмоз пыралі колхоз правле-
ниеө, коли сәтчө районсянь вайөм пакетьяс. Ваня менө
тэрмөдліс, нервничайтіс:

— Да өдйөджык, өдйөджык, Ефим. Ме сёрма,
менө жө сәні виччысьоны... Но и сюрыштас меным
талун!— и туй чөж сійө висьтавліс «Изъя мылькса»
йөз йылысь: то Матвей дед йылысь, то Артеев йы-
лысь, то ещө кодкө йылысь.

«Изъя мылькйын», кор ми матысмим клуб дінө,
Ваня Осташев мездіс волысысь хромкасө, клавишъ-
яс вылын мөдіс өктыны кутшөмкө марш. Гудөк шыө
пыр жө клуб кильчө вылө петіс Нина Семяшкина.
Сійө вөлі еджыд платтьөа, өкуратнөя кыөм сьөд көса
помъясын рөмзисны алөй лентаяс.

— Тэ нө мый, Ваня, тадзи сёрмин?— паныдаліс
миянөс Нина не то дөзмөм, не то радлан гөлөсөн.—
Час джын тэнө виччысям. Ноко, өні жө аслад мес-
таө!— сәсся здоровайтчис мекөд, син пөвнас мигнитіс

Ванялы да содтіс шуом кывъяс дінö:— Мөдысь сёрмыны эн лысьт. Первой разысь замечание.

Найö кутчысьöмөн пырисны. Воддза комнатаын некод эз вöвны, кык детинкаысь 'кындзи, кодъяс пукалісны пызан сайын да ворсісны шахматөн, а кутшöмкö ныв сулаліс öшинь дорын мелань мышкөн да видзöдіс ывлаö. Орчча комнатаын восьса öдзöс пыр тыдалісны морт дас кымын: нывъяс да зонъяс. Найö сулалісны джодж шöрын, а Нина сеталіс командаяс аслас ёсь гөлөсөн то öтилы, то мөдлы. Друг ме бокын шыасис зэв тöдса гөлөс. Ме видзöдлі да аддзи Вераöс. Öшинь дорын сулалысь нылыс вөлöма сійö.

— Тэ нö мый, Ефим, здоровайтчыны нин он кöсйы?— кöритан гөлөсөн шыасис сійö ме дінö, но синъясыс висьталісны дзик мөдтор йылысь.

— Ак, Вера!— кватиті ме сылысь кисö, — веськыда кö шуны, ме тэнö эг приметит...

— А ме тэнö ылісянь на, локтігад на тöді. А тэ важөн нин воин районысь?— быттö яндысьöмөн юаліс сійö.

— Муртса на вои. Пырті чемоданöс гортö и — татчö.

— Со кызди, — кыв джын вылас сувтіс Вера. Сэсся видзöдліс менам синъясö да крута вежис сёрнисö:— Но, кызд тэныд воö сьölөм вылад мян клубным?

— Клуб абу омöль. Öдйö ремонтируйтöмныд.

— Тайö шкапсö книгаяс улö Матвей дед сетіс, — висьталіс Вера. — Пызансö мян тетя Катя сетіс. Мөд пызансö Артеевлысь вайим. Вот сöмын библиотека улö шкап эм, а книгагасыс абуöсь на.

— Тэ нö мый, Вера?— нывлысь висьталöмсö друг торкис Ниналөн ёсь гөлөсыс. Сійö сулаліс комната порог вылын да стрöга видзöдіс Вера вылö. — Ставныс чукöрынöсь, а тэ век на тани? Ноко, марш аслад местаö!

Кор Нина да Вера саялісны öдзöс сайö, пыр жö заводитіс сэні юравны Ниналөн командуйтан гөлөсыс. Ме ас кежын думышті Нина йылысь, и төд вылö усины Артеевлөн кывъяс: «Абу ныв, а — порок».

Хоровöй кружок помасьöм бöрын ми петім клуб жильчö вылö. Шондіыс вöлі нин саялöма вөр пуяс

сайо. Рытыввылын мичаа гөрдөдүс кыа. Рытъя ыркы-дыс небыда малалис жар комнатаын пөсялөм чу-жөмъяс. Нина бергөдчис Вералань да шыасис сы динө:

— Тэ, Вера. өнү кодарө?

— Лоо на, тыдало, ветлыны скөтнөй дворө,— вочавидзис Вера.

— Нинөмла нин тэныд талун мунны скөтнөй дво-рад,— торкис сийө Вераос.— Тэ мун гортад да шойч-чышт, дай кавалертө ассыд колльөдан. Төдөмысь, вежон чөжнад гажтөмчыны нин вевъялинныд...

— Нина, мый бара тэ нинөм абусө сөран?— вомсө тупкис пөдругаыслысь Вера.

— Но, но,— вештис Вералысь кисө Нина да син пөвнас мигнитис мелань,— абу нин дас вит арөса нывка, слава богу, кызьөд ар тыртан!— Сэсся крута бергөдчис Ванялань.— Тэ, Ваня, ассыд делөтө төд. Ныв-зон кадриль йөктыны көсийоны. Ме час кежлө кы-мын ветла, а тэ ме вотөдз гортад мунны эн лысьт! Гөгөрвоин?

Нина босьтис Ваня Осташевөс ки пөлөдыс, топөд-чис сы динө да мөдөдчис кильчө дорын сулалысь нывъяс динө:

— Эк, нывъяс! Коді окотитө кадриль йөктыны, сувталөй! Гармонист миян бесплатнөй!

Ми тувччалім Веракөд туй кузя орччөн. Вильөн петөм номъяс дзизөдчисны нин. Вера кежаліс туй-бокса кызд динө, чегис сэсь веж коръя некымын вож, медым мездысьны номъясысь. Ю весьтын өшаліс кок-ныдик ру. Эжва мөдар берег дорті буткөдчөмөн кыв-тіс пуръя пароход. Клуб дорсянь рытъя сынөдын юрөбтис Ваня Осташевлөн гармошка шы, тыдалө, сэн заводитчис кадриль. Ми восьлалім Веракөд и сөрни мыйлакө эз пансы. Сийө видзөдлывліс ме вылө, а ме сы вылө.

— Тэ мый чөв олан?— первойөн шыасис Вера.

— А тэ мый ачуд нинөм он шу?

— А меным прөста окога чөв олыштны да мөв-палыштны.

— И меным окота жө,— вочавидзи ме.

Тадзи, пөшти сөрнитөг, ми матыстчим Вераяс керка весьтөдз. Кадыс вөлі час өкмыс кымын на и,

веськыда кӧ шуны, меным эз на вӧв око́та мунны гортӧ. Вера бытӧ гӧгӧрвоис менсьым мӧвпӧясӧс.

— Тӧдан мый, Ефим?— шыасис сійӧ.— Пыралам миянӧ, тэ ӧд миянӧ некор на эн во́лы. И тӧтя Катя-кӧд тӧдмасын.

Ме здук кезлӧ шӧйӧвошлі.

— А, гашкӧ, абу лӧсьыд да...

— Кодысь?— пӧся юалис Вера.

— Тӧтя Катясьыд.

— Эк, тэ! Барышняяс бӧрся ухаживайтны радейтан, а барышнялӧн рӧдняысь яндысян? Кавалерӧн ещӧ шусян!— и сійӧ босьтис менӧ киняулӧд да трӧпа кузя нуӧдис керкалань.

Кор локтӧм кильчӧ дорӧ, аддзим, мый кильчӧ ӧдзӧсын ӧшалӧ томан. Тыдалӧ, Вералӧн тӧत्याс кытчӧкӧ мунӧма. Вера корсис ӧдзӧсдинса пазйысь дзедӧм ключ. Восьтис ӧдзӧс.

Оланӧн вӧлі кык комнатаысь. Пелька уберитӧм серти тӧдчис, мый олысьыс — ӧкуратӧй кӧзьяйка. Водз комната шӧрас сулалис книга тыра этажерка. Ошинь занавеска дорьяс мичмӧдӧма киӧн вӧчӧм вышивкаясӧн. Медым вӧтлыны керкасыс тувсов шондысь лун чӧжӧн чукӧртӧм жарсӧ, Вера восьтис ӧшиньяс, локтис пызан дӧнӧ. Пызан шӧрын вӧлі неровнӧй букваысӧн гижӧм четвертнӧй бумага:

«Вера, огородницаыслӧн талун собрание. Ужнайтны менӧ эн виччысь, сӧй. Шыд-рок пачын, йӧлыд гӧбӧчын».

Ме пукси диван вылӧ. Вера вайис этажерка вылысь карточкаяс тыра альбом да, ыджыда ышловзӧмӧн, пуксис мекӧд паныд. Тыдалӧ вӧлі, мый сійӧ скӧтнӧй двoryн лунтыр ноксьӧм бӧрын мудзӧма. Ме кутӧ видлавны альбомсӧ.

— Веськыда висытав, Ефим,— шыасис Вера,— окотитан кӧ чай юны, самӧвар пукта? Он кӧ, ноксьыны прӧста ог кут. Ме чайастӧ ог вывтӧ радейт.

Ме атӧӧали Вераӧс, водзӧ заводитӧ видлавны альбомсӧ. Кызвыныс танӧ вӧліны группӧвӧй карточкаяс — Вералӧн семилеткаын велӧдчан воясья фотояс. Челядь чужӧмьяс пиысь ме зӧли тӧдмавын Вералысь тӧдса ӧблик, но тӧдмалӧ сӧмын сӧки, кор ачыс Вера индыліс: «А тайӧ ме!» Ӧти карточкаясь ме аддзи кузиник усьяса салдатскӧй гимнастӧркаа мужчынаӧс. Мортыс

вөлі быттьокө неуна төдса, а кысь аддзывлі — ог төд.
— Тайо менам баты. Карточкасо медбөрря пиль-
мөын ыстыліс, а та бөрүн регыд сәсса и усьом йылысь
юор воис,— Вера ышловзис, дзык чужом бердодзис
вайодліс карточкасо да содтіс:— Баты менам зев пра-
мөй морт вөлі. Но овны сылы эз удайтчы.

Вера колльодіс мено мир туй дорөдз да шуис:

— Аски аддзыслам. Ылөдз колльодны ог кут.

— Мыйла?

— Нывъяс зонъясо оз колльодливлыны...— серок-
тіс сійо да котөрөн бергодчис гортланьыс.

Ньөжйө кусі рьтыя кыа. Юдорса тыясын көнкө
герчыштіс утка, а «Изъя мыльк» катыд помын пыр
на кыліс Ваня Осташевлөн гажа хромка шыыс.

* * *

Матысмис страдна кад, но видзяс вылө петтөдз
мөдісны мунны собраниеяс миян матігөгөрсә посни
колхозъясос өти колхозо өтувтөм йылысь. Сөмын
«Изъя мыльк» колхозын собраниеөн неуна сөрмыш-
тісны.

Вөскресенньо лунө дас час асывсянь квайт час
рытөдз колхоз правлениеын муніс собрание. Көть став
өшиньяс вөлі восьталөма, но керка пытшкын вөлі зев
жар. Колхоз правлениеса председатель Артеев ыджыд
носөвөй чышъянөн чышкаліс плеш кузяыс визувтысь
пөсьсө.

Нинакөд ми орчөн пукалім порог дор лабичын, а
Вера пукаліс председательскөй пызан сайын. Сійос
бөрйисны президиумө.

Сійо вөлі вышивайтөм морөса еджыд сарапана, дө-
рөм сос помъяссө сідз жө вышивайтөма. Ыджыд русыд
көсаясыс лөсьыда куйлісны пельпом саяс.

Собрание вылын сөрнитісны унаөн. Нина Семьяш-
кина эз сет меным чөв пукавны. Кадысь кадө тув-
кыштіс бокө, шөпкөдліс то өтитор, то мөдтор йылысь,
раз-мөдысь юаліс и Ваня Осташев йылысь. Сійо эз сет
меным прамөя кывзыны сөрнитысьясос.

Өтияс сөрнитісны колхозъяс өтувтны коланлун йы-
лысь, а мукөдъяс пыкисны — эз көсийны өтувтчыны.
Собрание нюжаліс. Откымынъяс горөдлісны нин пре-
зидиумлань, мый кад нин помавны. Сөрнитны гиж-

сѡмъясысь коли на куйм морт. Шуисны кыв сетны ещѡ ѡти мортлы да тупкыны прениеяс. Медбѡръя мортѡн пызан динѡ сувтис первой бригаадысь Семѡн Окулов.

— Колхозникъяс,— кызѡктыштѡм бѡрын заводитис сійѡ.— Уна сѡрнитны ме ог кут. Ѳтувтчѡм делѡ сійѡ, дерт, бур, но... но артмас-ѡ мыйкѡ миян ыджыд колхозын? Со весиг ичѡт колхозад вѡлі муртса-муртса уджъяс топалѡны, а ыджыд колхозад уджыс ещѡ уна лоѡ. Сэсся суседъяс миян абу ѡткодъѡсь. Мѡсъяс вѡдитѡм кузя миян колхозын делѡыс бурджык, а «Луч» колхозын омѡльджык.

Налѡн вѡвъяс видзѡм-дѡзѡритѡм серти делѡыс бур, а миян омѡльджык. Босътны кѡ машинаяс боксянь, миян колхозын нѡль косилка, а «Аस्या кыа» колхозлѡн сѡмын кык косилка. Ѳткодъ кѡ став колхозыс эськѡ вын серти, то сѡк позис ѡтувтчыны. Кызь во сайын ми ѡтувтчим колхозѡ, ѡні со бара нин выльысь колѡ ѡтувтчыны, а дас во мысти, гашкѡ, бара на выльысь ковмас ѡтувтчыны. Ме абу прѡтив колхозъяс ѡтвѡтмысь, но тѡ асьныд бурджыка думыштлиѡй та йылысь...

Окуловлѡн сѡрниысь, кѡтъ кызди сійѡ эз кытшлѡдлы, вѡлі тыдалѡ, мый сійѡ полѡ колхозъяс ѡтвѡтмысь.

— Ставыс яснѡ,— графинѡ карандашѡн тринькнитис Артеев,— прениеяс тупкам, заводитам гѡлѡсуйтны.

— Энлы, энлы, председатель ѡрт,— сувтис места вывсъяс Матвей дед.— Вайлы меным кыв-мѡд.

— Прениеяс жѡ шуим тупкыны нин,— шыасис Артеев.

— Ме сѡмын кыв-мѡд, Сидор Михайлович.

— Кызз шуас собрание,— аслас кывъяс вылын сулалис председатель да видзѡдліс йѡз вылѡ.

— Кызз кужан, Сидор Михайлович,— син еджыд-нас видзѡдліс Матвей дед председательлань.— Сетан кыв — сѡрнита, он сет кыв — сѡрнита жѡ. Оз жѡ позь чѡв овны Семѡн сѡрнитѡм бѡрын.— Сэсся бергѡдчис колхозникъяслань да заводитис тыр гѡлѡсѡн:— Вот тѡ, граждана, кывзінныд ѡні Семѡнлысь сѡрнитѡм. Кызз думайтанныд. Семѡн веськыда сѡрнитѡ? Оз. Семѡн сѡрниысь ни ѡти кыв дозйѡ пуктыны оз позь. Сійѡ со шуѡ, мый миян колхозын мѡсъяс вѡдитѡмѡн делѡяс

бурджык, а «Луч» колхозын слабджык, а «Красной маякын» ещё слабджык. А ми вот бурджык дінас слабджыксё вайёдам и сэки ставыс лоё бур. Вёвьяс серти сідз жё, «Луч» колхозын вёвьяс бурджыкёсь, юр лыдыс унджык, а миян на дорысь слабджыкёсь. А ми вот слабджыксё бурьяс дінас матыстам да кыкнанныс лоё бур. Вот тэ шуан, Семён,— корсис пукалысьяс пиысь Окуловёс,— тэ шуан «Асья кыа» колхозын сёмын кык косилка, а миян «Изья мылькыйын» нель косилка? А тэ кык дінас нельсё отлаёд. Кутшём лоё вын? Правильно шуа, граждана?

— Правильно, Матвей дед, правильно! Висьтав водзё!— кылісны гөлөсьяс.

— Да мый водзё висьтавнысё? Ставыс ясно. Мукөдлаын отувтчисны да зэв бура олёны. А ми мыйысь повзим? Правильно ме шуа, Сидор Михайлович?— Матвей дед синсё чөвтліс председательлань.

— Ясно, Матвей Степанович, правильно,— нимкодпырысь шуис председатель.— Матвей Степанович кывъяс бёрын меным висьтавны сэсся нинём. Вопрос сувтёда гөлөсуйтём вылё.

Собрание помасьём бёрын ми Нинакөд петім колхоз правлениеысь первой мортъясөн. Колхозникьяс петісны тэрмасьтөг, сы вёсна Вералысь петёмсё ковмис виччысьны. Нина ошаліс менам сой вылын да частё видзөдлывліс отарё-мөдарё. Ме төді, кодөс сійө корсьё.

— Көн тэнад ёртыд?— юаліс сійө медбёрын менсьым.— Али оз лок талун?

— Локтас, непременно локтас.

— Пөръялас кө, ме сылы петкөдла!— грөзитчис Нина.

Меным вөлі ясно, мый Ваня да Нина костын делё прамёя нин пансьёма. Но ме эг төд, мыйла талун эз лок сійө. Либө локтіс да көнкө пукалө, виччысьё собрание помасьём.

— Эн пов,— такөді ме Нинаөс.— Локтас. Сьөлөмыс кор тані, быть сылы лок татчө.

Сэк буретш кыліс Ваня Осташевлөн хромка шыыс и Нина лэччысис ме дінысь, мөдөдчис гармошка шы-

лань. Ме йӱз костті видзӱді, кызди найӱ паныдасясны, но друг бӱрсянь кыліс Вералӱн тӱдса гӱлӱс.

— Колльӱдыштан менӱ? Меным колӱ гортӱдз ветлыны. Ставыс пӱсяліс.

— Пӱсялӱм бӱрад кынман,— шуи ме сылы, пӱрччи ассым пинжакӱс, павтырті сылы пельпом вылас. Қолхозникъяс разӱдчисны гортаныс тӱрмасьяӱмӱн. Том йӱз ывлаын эз жӱ вӱвны.

— Ефим, кытшовтлам эсті, нӱрыс дортыс. Ичӱт-сянь сійӱ вӱлі менам радейтана местаӱн.

Ми кезим туйбокса нӱрыс дорӱ, кӱні сулалісны кык коз. Нӱрыс дінӱ матысманінын вӱлі метр судта некымын эжа чукӱр. Тыдалӱ, дас во сайын кульлӱмаӱс тась межа боръяссӱ. Вера кавшасис эжа чукӱр вылӱ да пуксис, ме лӱччыси сы дінӱ эжа чукӱр бӱкӱ.

— Вот радейта ме тадзи пуксыны медся крут нӱрыс йылӱ, медым ставсӱ аддзыны,— заводитіс Вера.— Ичӱт дырйи вӱлі кая керка вевт вылӱ да часьясӱн сӱтысь ог лӱччыв. Ме кӱ эськӱ зон вӱлі, непременно лӱтчикӱ велӱдчи.

— А нывбаба-лӱтчикъясыс ӱмӱй ӱні этшаӱн?— суюси ме Вера сӱрниӱ. Но сӱки нӱрыс йывсянь кыліс кодъяслӱнкӱ сӱрни и Вера, кинас шеныштӱмӱн, орӱдіс менсым висьяталӱмӱс.

— Эңлы, Ефим. Кодъяскӱ, тыдалӱ, сӱні пукалӱны нӱрыс йылас?

Нӱрыс йылын, пуяс сайын, пукалісны кыкӱн.

— Да тайӱ жӱ Ваня да Нина!— неуна пӱдӱм гӱлӱсӱн шуис Вера. Сӱсся видзӱдліс мелань, нюмдыштіс да содтіс:— Кодкӱкості вевъялӱмаӱс нин татчӱ воны. Ай да Нина. То-то, мися, частӱ кутіс сійӱ вошлыны. Вот кӱні налӱн позйыс!

Ме видзӱді, кызди, ӱта-мӱд дінаныс жмитчӱмӱн, пукалісны Нина да Ваня. Ванякӱд орччӱн вӱлі сылӱн хромкаыс. Найӱ эз аддзыны миянӱс.

— Ой, мый сійӱ вӱчӱ?— друг синъяссӱ тупкис Вера.— Но и Нина.

Ме видзӱдлі миянлань мышкӱн пукалысь пара вылӱ и аддзи, кызди Ваня шуйга кинас сывйыштіс Нинаӱс сылі гӱгӱрыс да зӱв кузя оқыштіс.

— Ть-фу,— сьялышті ме.— И кызд вермӱ Ваня татшӱм дыш кульыскӱд нювсыны? Мыйла зывӱкыс оз пет?

— Эн лысьт сідз сёрнитны, Ефим,— югнитісны синъясыс Вералён.— Нина и миян том йёз абу сэтшөм омольёсь, кыз тэ чайтан.

— Зэв тай бурёсь,— эг кёсйы сетчыны ме.— Карё быдса шайка пышйис, тані Нина-артисткаяс вежня-сьёны.

— Ланьт, Ефим! Кыззи тэ верман тадзисё сёрнитны? А ачyd шусян комсомольскöй начальникöн. Тэ синтöм лөдз кодь, нинöм он аддзы, а сöмын дзизган.

Гöгрөсіник вылын морёсыс нывлөн пыдіа лолаліс, скөрмөм синъясыс вöлі сэтшөм мичаёсь... Ме эг на аддзыв свет вывсьыс татшөм мича чужöмсö.

Кутшöмкö тыдавтöм вын йөткыштіс менö нывлань, кияс асьныс сывйыштісны сылысь сьылісö... Но друг чорыд вын менö тойыштіс ныв дінысь, муртса кутчыси кок йылы.

Вера скөра видзөдіс веськыда менам синъясö да шлочнитіс ки пыдöснас веськыд чужöмбанö:

— Тайö Нинаысь! И төд, сійö витөд лун нин скөтница. А тайö,— менам шуйга бан кыліс мөдысь шлочнитöм,— менамсянь, комсомолса начальник ёрт.

Вера бергөдчис, вөчис воськов-мөд, а сэсся мөдіс котөртны сиктлань.

* * *

Колис кык төлысь. Уна вежсьöмъяс заводитісны лоны колхозын: öтувтчисны бригадаяс, фермаяс, заводитісны стрөитны выль скөтнöй двор, клуб, электростанция. Нюжөдісны электрической да радиопроводьяс сиктъясö.

Висьталöмъяс серти, и ыджыд вежсьöмъяс лоөмны Изья мыльк сиктын: налөн комсомольскöй бригада босьтöма медводдза места колхозын страда дырйи, комсомолö пырöмны нөшта дас морт, на лыдын Вера да Нина.

Сöмын менам олöмын нинöм эз вежсьы: вөвъяс да чаньяс, чаньяс да вөвъяс. А таысь öтар содіс сьöлöмын кутшöмкö төдтöм сьöкыдтор.

Сійö рытсыаньыс, кор пышйис Вера ме дінысь, ме паныдасьлывлі ськөд вывті шоча. Аддзысьлігъясөн сёрнияс вөліны дженьыдөсь: сійö кытчөкө пыр тэрмасис, эз эшты.

Июль төлысь помё колхозса медбур скотницаясос корисны республиканской совещание выло. Совещание вылын ветлісны найо лун вит. Вераысь гажтөмчөмла ме часъясон лыдди сылысь бөр воан лунсо. Найо воан рытө колхозса самодеятельность кружок петкөдліс выль концерт. Ваня Осташевкөд ми пукалим шөр радъясын. Кыкнаным виччысим Вералысь да Ниналысь локтөм. Петкөдлісны нин некумын номер. Видзөда: клубо пырисны совещание вылысь воысьяс. Накөд тшөтш пырис и Нина. Кодөскө сійо ёна корсис синъяснас, но пуксыны эз пуксы. Недыр мысти зало котөрөн пырис Вера. Синъясыс вөліны быттё повзёмаось, чувствуйті ме весиг сылысь пыдіа лола-лөмсө. Сійо матыстчис Ниналань, кутіс мыйкө сылы шөпкөдөмөн висътавны. Сёрнитөм бөрын найо кыкнанныс тэрыба петісны клубысь да сідз сэсса концерт выло эз и волыны.

Концерт помасьөм бөрын ме дінө локтіс Матвей дед да заводитіс сёрнитны.

— Прав ме али абу? А? Прав. Ме тияны пыр шулі — продуктивной скот ыджыджык почётын вөзъяс дорысь. Кывзы. Локтім ми сөмын на карөдз, а миянос виччысьоны нин ставгырысь йөзяс. Ставныслы медёна кажитчис миян Вера. Сы дінысь совещание каднас эз и торйөдчывны мукөд колхозъясса скотницаяс да газетъясысь корреспондентъяс. Дасысь кымын снимайтисны. Тэ, гөгөрвоан, ачыс Николай Иванович эз торйөдчыв Вера дінысь. Обязательнө көсйис волыны миян колхозо да отсавны колхозлы выль пөрөдаа ыжъяс судзөдны. Вот мортыс, өти кывйөн кө — душа! Миянос сійо быдлаті новлөдліс: и театръясад вөлім, и музейо ветлім, и опытной станцияөдзид нуліс. И туй выло миянлы аддзис специальной машина. А Вераос любитө. Ок, и любитө! Мен кажитчө, сійос ас дінас регыд босьтас.

Ме ёнакодъ чуйми. Заводиті юасыны: кутшөм арлыда Николай Ивановичыс, том али пөрысь? А Матвей дед кинас өвтчөмөн висъталө:

— Татшөм морт некор оз вермы лоны пөрысьөн. Неважөн на помалөма кутшөмкө наукаяс.

Матвейкөд сёрни бөрын көсйи регыджык видзөдлыны Вераос, но некыз эг вермы. Найо Нинакөд пошти төлысь эз волыны клубо, а гортас ветлыны

кызд кӧ эз вӧв лӧсьыд. Мӧвпала: а мый, Вера кӧ радейтӧ мӧдӧс, шуам, Николай Ивановичӧс. Сійӧ — республикаса знатнӧй зоотехник, культурнӧй да велӧдчӧм морт. Олӧ карын. А ме мый? Прӧстӧй колхознӧй конюк... А, гашкӧ, найӧ водзджык нин вӧліны тӧдсаӧсь?

Менам вӧлі аслысикас настроение: быттӧ абу гажтӧм, нинӧм некыт оз вись, а мыйкӧ оз тырмы, сьӧлӧм абу местаын. Думӧн кӧсья вунӧдны Вераӧс, но ог вермы. Аслым шуа: «Овлӧ жӧ, мися, быдӧнлӧн первой любов. Прӧйдитас». Но нинӧм оз артмы тайӧ думъясысь. Вера пыр ёнджыка йиджис менам сьӧлӧмӧ.

* * *

Август пом, но луныс вывтӧ жар. Ӧшиньяс восьсаӧсь. Ме пукалі ӧшинь дорын да лыдди Драйзерлысь «Американскӧй трагедия». Бӧръя кадӧ ме дзикӧдз ылалӧ книгаяс дінӧ, лыдди книга бӧрся книга. Мам ноксис пач дінын да тэрмасис мунны парникъяс дорӧ. Сійӧ мӧд во нин уджалӧ колхозын огородницаӧн.

— Кывзы, Ефим, — шыасис ме дінӧ мам, — тэнад делӧйд ставыс-ӧ лючки-ладнӧ? — сійӧ кадысь кадӧ видзӧдлывлӧ ме вылӧ жалитана синъясӧн.

— А мый?

— Мыйкӧ тай омӧльгчыны кутін. Али висян?

— Некутшӧм висьӧмъяс менам абу, — юр лӧптывтӧг ме вочавидзи.

— А енмыс тӧдас, мый сӧсся тӧянлы оз тырмы, — ышловзьӧмӧн шуис мам. — Том йӧз овны он кужӧй, а бать-мам шогсы тӧян вӧсна.

Эз на удит мам помавны сӧрнисӧ, кызди миянӧ пырис Нина Семяшкина. Сылӧн лолыс вӧлі тырӧма, тыдалӧ, ӧдйӧ локтӧмысла. Нина видзӧдліс первой мам вылӧ, сӧсся ме вылӧ да шыасис:

— Ефим, здук кежлӧ петалам ывлаӧ. Кытчӧкӧ тӧ мӧдӧдчан али мый?

— А кодлы кутшӧм делӧ? — косакодъ шуи ме Нина вылӧ видзӧдлытӧг.

— Тэ, Ефим, миян вылӧ лӧгалан мыйыскӧ?

— А мыйысь мем лӧгавнысӧ?..

— А тэ тѳдан, Вералѳн «Ласточкаыс» мѳд сутки нин эз волы гортѳ. Ыджыд тыра вѳлі, кык лун эг лѳдзлѳй фермаыс, а сійѳ баксѳ да вѳзйысѳ ывлаѳ. Лѳдзим скѳт стадакѳд, а пастуклѳн абу дѳзѳѳритѳма. Но и воши. Вералы шог вылѳ шог. Таѳдз сылѳн ѳти мѳс тѳлыс чѳж висис. Дзонь тѳлыс сы вѳсна эз пѳтав скѳтнѳй дворыс.

Ме лючки кывзі Ниналыс висѳталѳмсѳ да веськыда видзѳді сы вылѳ.

— А тѳянѳ воліс Николай Ивановичыс?

— Аски кѳсйысѳма локны,— вочавидзис Нина.— А мый?

— Нина,— сувті ме да дзик бердѳдзыс матыстчи Нина дѳнѳ,— висѳтав мен честнѳя, радейтѳ сійѳс Вера али оз?

Нина сюся видзѳдліс ме вылѳ да гораа серѳктіс.

— Ок и тэ, чудак! Николай Ивановичыслы квайтымын арѳс нин. Чудак!

Ме котѳрѳн пыралі керкаѳ, кыв шутѳг кватиті пинжакѳс да мѳдѳдчи муяс вомѳн вѳрлань. Кодзувкотѳяс моз мѳнам юрын ветлісны мѳвпѳяс. Ме гусьѳн виді ачымѳс: «Комсомолецѳн шусян, а комсомольскѳйыс тѳын нинѳм абу... Вѳра прав, кор шуис начальникѳн».

Лун джын нин ме собалі вѳрын: быдлаыс корси «Ласточкаѳс», но некѳн эз вѳв. Матысмис рыт. Ме шойччышті пожѳма ягын. Гѳгѳр вѳлі лѳнь. Лунвывсянь кыпѳдчис ыджыд сѳд кымѳр. Ывлаыс кутіс ѳдйѳ рѳмдыны. Матыстчыс кымѳрыс кытчѳсюрѳдзѳбсялісны вѳрса пѳткаяс. Мѳнам кок дѳнті мач моз тѳвзыштіс еджыд сыліа руд кѳч. Вылын сынѳдас шочиника бордѳяснас тѳрѳдѳмѳн ѳшаліс руд варыш.

Мѳдѳдчи водзѳ. Лыбис тѳв. Сійѳ ыджыд вынѳн пѳсис пу йывѳяс. Вѳрыс гѳгѳр кутіс шувгыны. Ыджыд гым шыыс кок улын тѳраліс муыс. Зѳрмис ведра дорыс моз. Ва йиджис дѳрѳмѳдз, пырис сапѳгѳясѳ.

Час джын зѳрѳм бѳрын кымѳр кутіс вѳшйыны. Водзѳ мунны вѳлі сѳкыд. Быд пу гѳститѳдіс лысваѳн, кок улын вильыд. Пѳмдіс.

Тѳдса ягын туй воштѳмыс ме эг пов, но кѳтасѳѳмла бѳсьтис йирмѳг. Медым петны туйѳдз, колѳ вѳлі гѳгѳртны паськыд нюр. Час джын собалѳм бѳрын вѳи ме пѳрѳм вѳрѳн тырѳм ыджыд логѳ. Му вылѳ кыдз-

сюрö усьом пуяслөн увъясыс частö крукавлісны менö, парсыштлісны кияс да чужöм. Пинжаклөн веськыд соскыс косяссис кыклаті. Ме тувччи джуджыдакодь пöрöм пу вылö да көсья нин вöлі воськовтны мöдар бокас, но друг кылі гораа бакöстöм. Мöс бакöстіс ещö куимысь. Ме гөгөрвои, мый мöс көнкө тані матын: «Ласточкаысь» кындзи тані некодлы лоны. Чышкышті чужöмöс да некымынысь ыджыд гөлөсөн вөр пасьтаыс горöді «Ласточкалысь» нимсö.

Неуна муныштöм бöрын тыдовтчис мöслөн мышкыс. Сійö нориника дівзіс: ёна көтасьöмла гöныс мыш вылас ёкмылясьöма. Бокын, пöрöм вуж улын, куйліс кукань.

— Но и «Ласточка!»— гораа заводиті сёрнитны мөскөд.— Став мөскыс куканясьöны тöлын, а тэ гождöмын да ещö вöрын, öтнад.

А сійö, быттьö гөгөрвоис менсьым кывъясöс, нюлыштіс киöс сарөгöсь кывнас. Ме лэпті куканьöс пу вуж улысь, сувтöді кок йылас. Сійö тіралан походкаөн матыстчис мам нёнь дінö, долыда öвтчис ичöтик бöжнас.

«Ласточка» шочиника дівöстліс, бокъястіс кучикыс сылөн кокныдыка тіралыштіс. Сійö, тыдалö, кымис öти местаын вөрзъывтөг сулалöмысь да видзöдлывліс ме вылö зэв тöждысьöмөн, быттьö көсйис шуны: «Мый сэсся тан сулалам?»

Ми петім Ручбöж давйö, кысянь сиктöдз лыддысьсö дас вит верст. Ковмас шойччыштны.

Ме сеті кад куканьлы нёнясьыштны, сэсся босьті куканьöс мыш вылö да мөдöдчи ньöжйöникөн петны пöрöм вöра логысь. Кадысь кадö дівöстлөмөн «Ласточка» тувччаліс менам кок туйöд. Логысь петöм бöрын ковмис кытшовтны нюр бокті километр мында, медым петны кер кыскалан туйöдз. Туй вылö петöм мысти ме куканьсö сувтöді кок йылас.

Ме лэдзи «Ласточкаöс» водзö, а куканьсö сы бöрся. Кукань тувччаліс неровнöя, джөмдаліс пу вужъясö, кокныдыка шатлаліс. Метр нельсё прöйдитöм бöрын бара босьті мыш вылö, нуи километр джын кымын, сэсся бара подөн муныштім. Ог кут висьтавын водзö, кымынысь ме босьтлі куканьöс мыш вылö и кызди воим муяс дорöдз. Заводитіс нин югдыны.

Йөръяс дінö воём бöрын сійö пон моз водіс муö

калачон да водзё нинёмысь эз кёсйы чеччыны. Ме чукёрти медбөръя вынъясёс, лэпти куканьёс мыш вылө. Фермаодз коли метр куимсё кымын. Кор ме матысми ферма динё, аддзи: сэни сулалёны уна йёз, откымынъяс ружьеаёсь. На лыдын вөлі брезентөвөй плаща олёма кодь кыз морт. Сійё, ыджыд тошсё кинас мала-лыштөмөн, сёрнитис Матвей дедкод. Ыджыд кер чукөр вылын, аддза. пукалө менам бать, куритчө.

Медводдза мортөн аддзис миянлысь локтөм Матвей дед. Төдтөм мортёс киёдыс кутөмөн сійё индис миянлань.

— Николай Иванович,— горөдис сійё,— а вот миян конюк Ефим Рочев, код йылысь вөлі юасян, а ськод орччөн со миян районса рекордистка «Ласточка».

Ме лэдзи мыш вылысь куканьёс, став морёс тырөн ышловзи.

Николай Иванович матыстчис ме динё, тош пырыс сьолөмсянныс нюмдөмөн босьтис менсьым киёс да чорыда кутлис:

— Сидз, сидз, Ефим Алексеевич, лоам сидзкө төдсаёсь. Кывли тэ йылысь, кывли. Аски вола тэнсьыд вөвъяс да чаньяс видзөдлыны.

Старшөй зоотехник кёсйис на мыйкө водзё шуны, но сэк нёв моз воис Вера, сувтис миян костө. Синъясыс сьлөн видзөдисны меліа, паръясыс неуна тіралыштисны. Сійё кёсйис мыйкө отпырйө унатор висьтавны, унатор юавны, но артмис сөмын өти кыв:

— Аддзин?

— Аддзи,— вочавидзи ме Вера, моз жө джын гөлөсөн.

— Ефим!— кызкө не ас гөлөсөн шуис сійё да кыкысь окыштис. Сэсся кыв шутөг бергөдчис да котөртис бөр скөт карталань.

Матвей дед гартыштис ассьыс ус помсө, нюммунис да гораа шуис ставныслы:

— Вот кыз!

Сэсся кер вылын пукалысь бать вылө видзөдлөм бөрын мигнитис син пөвнас сылы да содтис:— Вот кыз, Алексей Петрович, өнія том йёзыд.

Аскинас миян керкаө котөрөн пырисны Коля Канев да Борис Аксенов. Гөрдөдөм чужөмъяс да пошкөм сертиыс ме гөгөрвои, мый воёмны найө вывти тэрмасьөмөн.



З. П. Пунегов. Виль тѳдсаяс

— Мый лои, Борис?— юалі ме.

— Энлы, ставсö висьтала.

— Мый лои? Пöжар али кодкö ваö вöйи?

— И пöжар абу и ваö некод эз вöй,— шуö Коля.

Недыр мысти Борис висьгаліс, мый асывнас комитетса членъяс чукöртчылöмны сёрнитыштны, кодöс мөдöдны Москваö, выставка вылö. Правление тшöктöма. Сэсса друг восьсöма öдзöс и сэтчö пырöмны Алёша Костин да сылөн карса другъясыс.

Найö корöмны ыстыны найöс медсьöкыд удж вылö. Артеев пыр жö кык мортöс индас плöтникъяс бригадаö, а Алёшалы удж оз сюр. Алёша муртса оз бöрдзы да вöйысыс мöс лысьтысьö. Сійö ачыс аддзылас кардорса совхозысь мужчина-лысьтысьысьöс. Но скöтницаяс колхозын эмöсь нин, а вот порсь видзысьяс оз тырмыны. Та бöрын комитетса членъяслы кольö сöмын поздравитны Алёшаöс выль должностьөн.

— Медпервой порсь видзысь районын? Правда, здорово!— нюмъялö Коля Канев.

— Но и делöяс мөдісны,— читкыртліс синсö Борис Аксенов.


— Тадз кö мөдасны мунны делöяс водзö...

— А мый сэки лоö?

— А со мый лоö,— вочавидзис Борис Аксенов да аслас ныр увті нуөдіс кисö,— Америкатö ми асланым бöжö колям.

— Со кутшöм делöясыд, Ефим!— менам пельпом вылö шлапкис-пуктіс кисö Коля Канев.





Р Е Й С Ы Н

Витя Ветошкин вылө Ванялөн лөгыс чужис сөмын на вежон сайын, а сэсся лунысь-лун ёнмис, пыдөджык пырис. А кызди тайö артмис...

Вөлі рыт. Груз ректөм бөрын Ваня пыраліс Тоня ордө. Сёрнитчисны ветлыны кино вылө. Тьөщалуыс Ваняөс гөститөдіс гортса сурөн. Тоня ошйысис вель шөвк платтьонас, бергаліс зеркалө водзын, шпынныліс.

Кык стөкан сурысь Ваня неуна гажмис, кватитіс Тоняөс киясөдыс, дурмытөдзыс бергөдліс, сэсся уськөдчис ывлаө, пуксис кабинаө да мөдөдчис.

Шуоны тай, тьөщалуылөн пө сурыд юмовджык, ёна чөскыдджык. И тьөщалуыд ангел кодь бур, оз, небось, өбидит зятьпутө.

Туй кузя төвзигөн суөдісны вит-ө-квایت машина. Гараж дорө матыстчигөн, Витя Ветошкинлысь машинасө панийөм бөрын, сы водзө быттьө му увсьыс мыччысисны гараж йөрлөн өдзөсьясыс. Найө вөлі калькнитчөмаөсь туйлань.

«Нинөм оз ло, тувкнита кө»,— мөвпыштіс Ваня, а машинаыс люкыштіс нин өдзөсьяссө.

Кыліс вармунөм шы. Машина эз жугав сы вөсна, мый өдзөсьяссө вөлі вөчөма жель кодь рейкаясысь.

«Нинөм, тайө өдзөсьяссө эз нин этшаысь жугөд-

лыны,— водзё мөвпаліс сійё.— Ветошкинысь кындзи, некод эз казьявлы».

Гараж. Машинасё видлалём бёрын Ваня корсис путёвкасё, пырис диспетчерскёйё.

Кызди и пыр, удж помасьём бёрын диспетчерскёйын тырыс йёз: шофёръяс сдایتёны путёвкаяс, куритчёны, óta-мёд вылас сералёны. Кодсюрёяс весиг «режитчёны» нин доминоён.

Эз на удит Ваня чургёдны путёвкасё диспетчерлы, комнатаё пырис гаражса начальник. Шумыс лёньыштіс.

— Бур рыт, братцы,— шыасис начальник.

— Тіянлы сідз жё,— вочавидзис кодкё.

— Ме ётитор кузя,— шуис начальник.— Коді вёчис воротаысь пес? Витёдысь нин таво жуллисны сійёс, а мыжа морт абу, эг на аддзыв.

Дыркодь кежлё пуксьыліс чёв-лёнь. Кыліс, кызди диспетчерлён дзуртіс перёйс.

— Но, братцы, коді? Али йёзлён тракторыс ылав-лёма?— бара шыасис начальник.— Тэ, Налимов ёрт?

— Ен водзын пернапас чёвта, мед менам кокъяс и...

— Ладнё, ладнё. Тэнад пернапасыд — чёртлы бёж улё кевмём кодь жё.

Ванялён гудыртчыліс морёс пытшкыс. Кёсйис нин горёдны: «Ме!» Но кутшёмкё вын кутіс сійёс. Бурджык нин мукёдъяс моз жё вёчны ворота ёдзёссё войын да некод тёдлытёг ёшёдны места вылас. Сюран кё — серам вылё лэптасны, анекдотъяс лёсьёдасны.

— Тэ, Сидоркин?

— Ме кё жугёді, важён нин лёсьёді...

— Виччысь тэсянь,— кинас ёвтыштіс начальник, сэсся мудера видзёдліс Ваня вылё.— А меным висьялісны нин. Иван Матвеев, перйы правотё... Вежон кежлё мунан мастерскёйё сёвесьтё чукёртны, эм кё на сійё тэнад.

Ваня ыпмуніс, скёра видзёдліс Ветошкинлань, тэрмасьтёг кыскис книжкасё, мыччис начальниклы.

Ывлаё петігён сійё ордйёдіс Ветошкинёс да муніг-мозыс пинь пырыс сёдзёдіс:

— Донысь-ё вузалін, комсомолеч ёрт? Эк, тэ!..

Витя чуймёмён видзёдліс сы вылё, кёсйис мыкё шуны, но Ваня вошис нин пемыдас.

Арся туй дзикодз нин лёбзьома. Съоқыда муно автомашина, ружтомон буксуйто быд чой кайигон, отаро-модаро катласьо увтасьясод мунигон. Поводдяыс гудыр, а Ванялы съолөм вылас долыд, вит лун сайын нин сылы бөр сетисны шофёрскöй право.

Асывнас гаражын кык шофёрлы сетисны наряд мунны Княжпогостö, а сылы — Айкиноö. Диспетчер дыр горзис телефон трубка пыр, кодлыськö корис грузьяс босьтом вылö бумагаяс, та вöсна мододчисны сёрмыштомон.

Медым туйын эз ковмы паныдасьны Айкиносянь бөр воысь машинаяскөд, Ваня чорыдакодь газнитис. Быд гөп динö матыстчигон чошкисны тормозьяс. Восьса öшиньясод ыргысь төв ворсөдчис шофёрлөн кепка улысь мыччысьом юрси пратьясөн. Мотор шы улö Ваня мургис кутшөмкө сыланкывлысь мелодия. Син водзö сувтлывліс Тоня, коді төрыт висьталіс, мый аски сылөн чужан лун, да эз тшөкты сёрмөдчыны.

Прöйдитіс нин Зеленеч сикт, бөрö коли Көчаягса лесопункт. Ванялөн шуд вылö, Слудка перевоз дорын машинаяс эз сулавны и паромыс матыстчö вöлі сылань.

Юсö вуджөм бöрын Ваня пуксьөдіс кабинаö Вогвазиноö мунысь кык нылөс да шмонитіс накөд:

— Прөкатитчöй, донаяс, нэмтö онö вунөдöй.

Омоль туй вöсна машинаяс ветлісны вывті шоча. Вогвазиноö воигон нин казялісны бокин сулалысь машина.

— Шофёрыс, тыдалö, төрытья лунсö корсьö либö зажиганьесö гортас вунөдöма, — нюммуниг шуис Ваня.

Машина динö матыстчигон сылөн вежсьыліс чужöмыс, а сэсся жергөдіс пиньяссö:

— А-а! Миян новаторным вөлöма! Видзөдлам, нывьяс, мый сійö сэні вөчö.

Сійö панйис сулалысь машинасö. Сувтіс да нывьяскөд петіс машинаысь.

— Здравствуйте, Виталь... Виталий... Извинит, пöжалуйста. Ме сэтшөм некультурнöй... — ныр пырыс заводитіс сёрнитны Ваня.

Ветошкин чуймөм синьясөн видзөдіс сы вылö да нинөм эз гөгөрво.

Ваня шыасис нывъяс дінө:

— Тіян водзын карса знаменитöй шофёр — Виталий Ветошкин, коді сетö рекордъяс автотранспорт используйтöм кузя, а сідз жö мукöдтор кузя. Аслас уджын эз на вöчлы ни öти авария, ни öти простой, эз жугöдлы ни öти потшöс ни майöг. Разрешитöй, Ветошкин ёрт, тöдмавны, кутшöм могъясөн ті сувтінныд татчö?

— Ваня, тырмас сөрнитö,— нюммуніс Витя.— Шуйга баллоныс лэдзис... Вайлы насостö. Ме ассьым сетлі Кочевлы, а сійö пыр на вайö...

— Вот и дивö!.. Новаторлөн потöма баллон, вунöма насос!— кинас бокас шлапкис Ваня да мырдөн моз серöктіс:— Ме вунöді жö. Но, ладнö, Айкиносянь звöнитла начальстволы, медым отсöг ыстасны. Найö оз вунöдны тэнсьыд заслугаястö. Виччысь, другö. Бур туй!

Кабинаö пырöм бöрын Ваня мудера мигнитіс нывъяслы да кок увсьыс мыччöдліс насоссö.

Нывъяс заводитлісны ропкыны, но бөр ланьтісны. Сиктын найö öдйö чеччисны машинаысь. Öтиыс матыстчис машина дінö, лөг синъясөн видзöдліс Ваня вылö да, кыв шутöг, шыбитіс cabinaö кызь вит шайта деньга.

* * *

Бөр локтігөн Ванялысь машинасö рытья пемыдыс суис перевоз вуджигөн. Регыд чорыда зэрмис.

Кабинабокса öшиньясöд нинöм эз тыдав.

«Шольк! Шольк!»— кыліс сöмын машина кöлесаяс улын.

«Сöмын мед моторыс оз торксьы, а час мысти лоа карын,— думайтіс Ваня.— Сэні, биа уличаяс вылад, ог нин йöрмы».

Ванялы чайтсис, мый сійö талун бура велöдіс Ветошкинöс.

Туйыввса няйтын тыдавтöм тёпканъяс куимысь вывлань йөткыштлісны Ваняöс.

Кыткö кратшнитіс-чеги. Моторыс лючки уджаліс, но машина сувтіс.

«Мый лои?»— чуймис шофёр, восьтіс cabina öдзöссö, тувчис няйтö, кокъяснас видліс скатъяссö. Найö вöліны эзлыдöсь.

Истөг перйом бөрын Ваня пырис машина улө. Няйт ваыс өдйө йиджтысис пидзөсьясөдз, гыррдзаяс-өдз. Шуйгаладор рессорасө видзөдлөм бөрын сийө акни-ти; шөри чегөм рессораыслөн помыс пыксьөма кузов пидөсө. Шофёр бөр пырис кабинаө. Көтасьөм пась-көмыс сибдис яй бердас. Заводитисны кынмыны кокъ-яс, ки... Видлис куритчыны, но нинөм эз артмы: истө-гыс көтасьөма.

«Талун субөта,— мөвпалис Ваня.— Шофёръяс став-ныс нин гортынөсь. Надейтчыны некод вылө...»

Думайтигас эз төдлы, кызди вугыртис. Садьмис машина тутөстөмысь. Орчөн сулалис карлань мунысь машина.

— Мый лои?— кылис пемыдас гөлөс.

Ваня петис кабинасьыс.

— Рессора чеги,— шуис сийө и друг джөмдис: биа кабинасянь сы вылө видзөдис Витя Ветошкин.

— Пуксы миян машинаө, а то кынман татчө,— шуис Виталий.

— Ог,— аслас машина дорө бөр мөдөдчис Ваня.— Ог вермы эновтны грузсө.

— Сидзкө, виччысьлы... отсөг ыста,— шуис Ви-талий.

Ывлаө петалөм бөрын босьтис йирмөг, зяткакылис-ны пиньяс.

«Дерт нин, ыстан,— чужөмсө көрлис Ваня.— Вич-чысь тэнсьыд отсөг. Төда, мый тэ висьталан начальст-воны. Весиг насос йывсьыд быдса делө панан. Воан, сдایتан грузтө и мөдөдчан...»

Коли час, мөд. Ванялы кутис кажитчыны, быттьө сийө веськалис кутшөмкө мөд светө, көни абу ловъя морт и помтөм тайө зэра пемыд көдзыд войыс. Бокын шумитис вөр.

Пөсь синва войт усис ки вылас. Кынмысь кияс асьныс пырөны морөс бердө, шофёрлөн юрыс лэччысьө кабина креслө вылө. Көрт кабина өдзөс костөд пись-көдчө арся войлөн көдзыдыс, кынтө чужөмбан, бокъяс.

Юрын серпасъяс: биясөн югъялысь карса киноте-атр, сулалө Тоня, сийө бергөдлө юрсө, шог чужөмөн видзөдө мунысьяс вылө. Оз төд Тоня, кытөни Ваня, мый вөчө өни. Кынмөмысла Ванялөн гегдисны кияс, таркакылисны пиньяс. Чорыд төв ныр нетшыштис ку-зовлысь брезентсө.

Ваня лэптыштліс юрсö да пыр жö казяліс ылын югнитысь еджыд би чут. Ванялөн топавліс сьölöмыс.

Регыд мысти сы дінö воис вевта машина. Би югöрын тыдовтчисны мужичöй да нывбаба.

— Загорайтан?— шыасис мужичöйыс, сэсся кулака нас зымкнитіс кузовас.— Эй, пассажир, воим курортад.

Ваня гөгөрвоис: кодöскö мөдөдөмаөсь сы дінö.

— Энлы, босьта рессорасö,— кузов пытшкысь Ваня кыліс Витя Ветошкинлысь гөлөссö.

Машина муніс водзö, Витя матыстчис Матвеев машина кабина дорö да юалис:

— Ловъя на?

— Ловъя,— кызмырдөн шуис Ваня.

— На, босьт...— Витя мыччис сылы кутшөмкө ёкмыль.— Көнкө, дзикөдз нин тшыгыялін... гаражын ловъя лов абу. Аслам машинаөн эг вермы воны, путёвкасö некодлы кырымавнысö. Ковмис «гөлөсуйтны».

Витя пестіс би. Ванялы тшөктіс шонтысьны, а ачыс босьтчис рессора вежны.

Час мысти сійö пукаліс нин руль сайын. Ваняөс мучитіс сөвестыс, пукаліс чöла.

А Витя висьталіс и висьталіс. Унатор Ваня төдмаліс Витя сёрниысь.

Сійö, вөлөмкө, оз помнит батьсö ни мамсö, быдмөма детдомын. Ремесленнöй училище помалөм бöрын веськалөма гаражö. Шофёрөн уджалö нельөд во нин. Во сайын төдмасьöма лесозаводса станочница Вера Куликовакөд. Кыкөн стрөитöны керка, лөсьөдчöны свадьба кежлö.

— Не кө ёртъяс, код төдас мыйөн эськө ме вöлі,— не то гораа думайтіс, не то Ванялы висьтасис Витя Ветошкин.— Найö отсалісны меным сувтны ас кок йылö. Сöмын найö отсөгөн ме петі паськыд туй вылö.

Витя ланьтыштліс, сэсся паськыда нюммуніс:

— Но и чудакъяс жö миян комсомолецъясид, Ваня. Колян выходнöйö Веракөд да сылөн батькөд заводитім сигөритны керка. Друг миян керка дінö локтісны дас кымын морт, ставныс спецовкааөсь. Видзöда: гаражса том йөз. «Ветошкин ёрт,— шуö öти.— Комитет ыстіс миянөс тіян распоряжение улö. Корам сетны удж». Кыдз тай заводитісны муркөдчыны!



Весиг өграда сүвтөдисны, сарай вөчисны, кызь кымын сад пу садитисны. Тайөсө, мися, мыйла? А найө пиньяссө жерйөдлөны: «Кымын пу садитам, тэныд сы мында ичөтик Ветошкинөс сиама!»

Ваня серөктис, сэсся чөв олыштөм бөрын шыасис:

— Витя, сийө рытнас, кор ме жугөдi ворота, тэ правильнө вөчин. Ворота жугөдөмянь абу ылын и ыджыдджыкторйөдз. Ме гөгөрвои ассыым өшыбкаөс. Колө лоны веськыд мортөн, мед сөвестыд вөли сөстөм. Висьтавын и колi гаражса начальникыдлы.

— Кутшөм забор? Мый тэ сөран?— синьяссө шармөдiс Витя, весиг тормозитыштіс машинасө.

— Төдан, правосө босьтлісны менсьым кор.

— Эк, тэ, гөлөва. Ме сэки тэнө ни жугалөм заборсө эг аддзыв. Складсянь локтігөн ме дінө пуксис гаражса начальник. Сийө, буракө, ачыс аддзылөма.

Машина кайис гөра йылө. Ылын, буситысь зэр пыр, тыдовтчисны карлөн мигайтысь уна сюрс еджыд бияс.

Аскинас Иван Матвеев пукаліс Тоня ордын. Нывлөн чужан луныс некор на эз мунлы татшөм гажая. Баянистлөн пөсялөмысла көгасьөма нин лөз шөвк дөрөмыс, а сийөс век корисны ворсны и ворсны.

Кадысь кадө Ваня матыстчывліс пызан дорын пукалысь паськыд пельпомьяса зон дінө да ки пөвнас небыдика сывйыштлывліс сийөс. Тайө вөли сылөн тарыт медмуса другыс — Витя Ветошкин.





ШЕФЪЯС

Ќти гоҗся рытö менö да миян учреждениеса шофёр Ваня Филипповöс корисны месткомö.

— Но, другъяс! Ковмас бара ветлыны подшефнöй колхозö, страдуйтны корöны,—шыясис месткомса председатель.

— Кодлы сэсся муннысö, дерт, миянлы,— шуис Филиппов.— Ќтилöн радикулит, мöдлöн — бабыс верöс сайö петö.

Ме серöктi. Председатель тшöтш жергöдiс пиньяссö:

— Гöтрасьны колö, другъяс. Тiянкöд тшöтш мунас Афанасий Александрович Родев.

Менам бара серамöй петiс.

— Фёдор Степанович, тэ бур жö шутник,— шыясис Филиппов.— Родевтö колхозад сира гезйөн он кыскы.

— Мунас!— увереннöя шуис месткомса председатель.

Кодöс-кодöс, а Родевтö он мöдöд колхозад. Колян во заводитлисны жö эськö сийöс босьтны öти колхозö председателён, но нинöм эз артмы: ме пö сю да ид торйöдны ог вермы.

Родев сяммылис бокö кольны и сэк, кор ми ветлывлiм асланым подшефнöй колхозö — командировкаö мунас либö отпускö петас.

Аскинас зэрмис. Машина вылö пуксьöм бöрын ми

сералыштім Родев вылын, коді бара мездысьома колхозо муно́мысь.

Неуна муныштoм бoрын машинаыс друг сувтіс. Кузовo сoліс вьль пассажир. Ме ёна чуйми: тайo вoлі Родев. Чужoмыс сылoн зумыш, синъясыс лoгoсь.

Воим колхозo. Страдуйтны мянoс индісны нельoд бригадаo. Овмoдчим бригадир ордас — гoрд юрсиа кыз Ликерия Власьева ордын, кодoс сиктас шуисны Типo Ликoн.

Керка дінас локтігoн мян вьлo уськoдчис ыджыд сьoд пон. Эргыштoм бoрын сийo кыкысь нюлыштіс Родевлысь кисo, кoсйис быттьo шуны: «Эг тoд тiянoс. Шефъяс. Абу омoль. Тiянсянь мен пыр сюриштo лыяс, весиг яй торъяс. Пырoй!»

Мян вьлo видзoдигoн Ликерия Власьева друг вежсис чужoмнас, шыбитіс вурсянторсo да горoдіс:

— Афоня?! Тэ?

— Ме, ме, Лукo...

Тoдмасим. Коркo Родев вoлoма тани, уджавлoма колхозса председательoн. Ликерия Власьева дыр юасис мянлысь карса олoм йылысь.

Ужын бoрын сёрнияс вуджисны колхозса делoяс йылысь. Бригадир норасис омoль урожайяс вьлo, муяс вьлo, видіс асьыс уджсo, бригадаса колхозникъясoс.

— Лукo, мыйла нo мукoд колхозьяс лыбисны, а тi век на бокинoсь, весиг госуларстволысь коранныд oтсoг, — шуис Родев.

— Ачыд тoдан, кутшoм коли колхоз война бoрын. Сетны нинoм, унаoн пышйoны сиктысь.

— А тэнад Кoсьтаыд кoні?

— Пышйис жo, сплав участокын боновщикo пырис.

Ми петімo сарайo, а Родевлы сетісны крoвать.

Мoд лунас менo да Ваняoс мoдoдісны oтсасьны турун чoвтысьлы. Родевлы бригадир нинoм эз шу.

Колхозлoн видзяс куйлoны Эжва ю сайын. Мед веськавны медводдза пыжo, ми тэрмасьoмoн завтракайтім да лэчим берег дорo. Тшoтш вoтчис и Афанасий Александрович. Ю дорын некод на эз тыдав. Виччысим час, мoдoс.

— Гашкo, мунісны нин да, — плеш вывсьыс пoсьсo чышкалoмoн ышловзис Ваня.

— А чөртыс төдө,— шуа ме.

Сөмын дас час гөгөрын керкаяс сайыс мыччысисны первойя нывбабаяс, найо, гораа варгигтыр, матыстисны миянлань.

— Тайо нө кутшөм кавалерьяс шойччөны?— ёсь гөлөсөн шыасис съод көсаа колхозница.

— Но, енмыс тай талун зоньясөс сетөма,— содтис лөз көсынkaa кузь нывбаба.

— Тырмас тиянлы, ракаяс,— шыасис еджыд тошка старик да видзөдліс ми вылө.

Сёрни өдйө кусі. Сөмын кылыштис Эжваса гыяслөн бузөдчөмыс.

Йөз видзөдісны Родев вылө. Еджыд юрсиа старик восьтис пиньтөм вомсө, ньөжйөник пуктис му вылө вила да, Родев вылө видзөдөмөн, шыасис:

— Милөй морт, збыльысь өмөй менам синьясөй пөръявлөны? Да тэ-ө сулалан Афонька, Афанасий Александрович?

Родев нюммунис. Старик кутыштлис сійөс, кызөктис, сэсся бергөдіс юрсө Эжвалань.

— Милөй морт, кутшөм төлөн веськалін татчө, кутшөм лэбач төвзьөдіс тэнө,— чораа шуис дед.

— Кытчө нө сувтін?

— Миянөс тай вунөдөмыд?

— Дерг, миянө оз нин пырав.

Анькытш моз мөдісны петны сёрнияс. Родев пөся киасис ставкөд, быдөнөс величайтис нимнас и овнас.

Вөлөмкө, еджыд юрсиа старикөс шуөны Степан дядьөн, а съод юрсиа нылөс — Валяөн, Валентина Лыткинаөн.

Вуджим мөдлапөлө. Тыбокса туйөд матыстчим видзьяс вылө. Йөз разөдчисны. Регыд миянсянь ылын кутисны өтарө-мөдарө ветлөдлыны куртан да ытшкан машинаяс, вуджрасисны йөз. Степан дядь миянөс велөдыштис, кыз колө тэчны, а сэсся лөсьөдіс зорөд пиньяс да заводитис чөвтны.

Родев, кокьяссө кресталөмөн, пукаліс зорөд потшөс вылын, дугдывлытөг курутчис.

— Видзөдлы шефтө!— гусьөникөн вашнитис меным Ваня.— Вөлі кө фотоаппарат, ыстим эськө фотосө карө, мед любуйтчисны.

Степан дядь медводдза юрьяссө тэчис өдйө, сувтөдіс пыкөдьяс.

Мед кокныдджык вöлі куртны юр туйяссö, ми заводитим юръяссö кыскавны медся ылысаяссияныс.

Оти юр кыскигөн ме видзöдлі зорöдлань да чуйми: зорöд вылас öтарö-мöдарö зiля ветлöдліс Родев.

— Аддзан?— сы вылö индöмөн шуи Ванялы.

Ваня вомсö паськöдöмөн дыр видзöдiс зорöд йөр-лань.

Обед бöрын Родев эз кай зорöд вылö, босьтiс вила да заводитiс тшöтш чöвтны.

Войнас сийö узис омöля, кадысь кадö лöвтис, качай-тис кияссö.

Мöд асывнас Ваня тувкис бокö. «Кывзы,— шуö,— кызди Афанасий Александровичыд тöчитö выль начальствотö».

Орчча комнатаын кылисны гөлөсьяс.

— Татшöм уджыд — брак, а дисциплинаыд — анархия,— шыасис Родев.

— Тэ, пиук, первой ачыд видлы колхоз көрсö,— öтвечайтiс Власьевна.— Заводъясын деньга сетöны, а ми сийöс ог аддзывлö.

— Мый вöсна?

— Сей совсö пуд-мöд колхозад, сэки гөгөрвоан.

— Тадз кө кутад страдуйтны — лун шöрын петны да нель часын пырны — дерт, он аддзылöй.

— Кысь нин миянлы карсаяс моз уджавны. Талун да аски, гашкö, некод оз пет — Петыр лун,— петигас клопнитiс öдзöснас бригадир.

И збыльысь, видз вылö бригадаысь локтiсны сöмын джын колхозникыс.

Ваня эз жö вöv: сийöс корисны видзöдлыны колхозной автомашина, кодлөн шофёрыс не то висьмöма, не то пышйöма карö.

Юр ваявны меным отсасис Валя, кодi первой лунас, ю вуджигөн, нимтiс миянös «кавалерьясөн». Ньөр додь вылö быд турун юр көрталигөн ме кывли, кызди ныв шöпкöдöмөн сылис кутшöмкö сылан-кывъяс.

Обед кадö ме мунi купайтчыны. Ю дорын некод эз вöv. Варччылi Эжва шөрöдз, сэсся бөр бергöдчи. Юр весьтти шумөн лэбзисны уткаяс. Бадь куст дорын мыйкö бузнитiс. Ме заводитi сынны берегань. Кымынкö метр сайын ва улысь мыччысис Валялөн гождь-ялём чужöмыс. Ныв гажаа серöктiс.

— Повзин? Вай ордйысям!

Веськыд сойсö нюждöмөн Валя тювкнитчис морснас водзлань да плавнöя кутис варччыны ю шöрлань. Ме петі берегö да пасьтаси.

— Тэ важөн занимайтчан тайö спортнас?— пасьтасигөн юалі Валялысь.

— Ар куимсянь,— нюммунис сійö.— Нель арөн тай вöйлысьöма нин-а.

Ме тöдмалі, мый колян во районын Валя босьтöма варччöм кузя первой места; ныв олö мамыскöд кыкөн (батыс усьлöма война вылын), тöвнас уджалö вöрын.

Час кык бöрын зорöд дінö локтисны кык колхозник. Öзтисны чигаркаяс.

— А бур сулалö поводдяс. Шуöны, нёбдинчи пö джын турунсö нин топöдöмны,— тшынсö кыскигөн шыасис паськыд пельпомъяса том колхозник. Тыдаліс, мый сійö уджалö ытшкан машина вылын.

— Да. Мöдöдчисны налөн делöясыс. Абрамовичыс бура кутис уджавны,— шыасис гөрд уска олöма колхозник.— А миян ставыс мöдарö мöдöдчис. И видзяс миян унджык, и кык пöv бурджыкöсь на дорысь, а мöсьяс мыйлакö лысьтöны кык пöv этшаджык на серти.

— А мый вöсна этша лысьтöны?— шыасис Родев.

— Милöй морт, видзяс миян уна, а туруныс абу,— вочавидзис Степан дядь. Джынсö ог убирайтлö. А мöд джынсö пунктöны лесопункт, районса организацияяс, быдсяма шляйтчысь йöзыс. Кöсйöны сетны джын турунсö, а кор воан турунла, сэні и следыс абу, тöлыс ставсö нуöма.

— А правлениеыс кытчö видзöдö?

— Быдлаö. Сöмын не татчö... Да мый сы йылысь сёрнитнысö?— сьöлыштіс бокö том колхозник.— Ёнмöдісны миянлысь колхознымöс — мöдöдісны ку-тшöмкö старикöс, коді, тыдалö, карын лишнöй.

— Видзöдлы, Афанасий,— шыасис гөрд уска колхозник да кинас индіс веськыдвылö,— тракторнöй ытшкан машина квайт лун нин сулалö, трактористыс мунис РТС-ö, и кызди ваö вöйи. И некодлы некутшöм абу делö. А гожöмыд миян — лэбзысьс утка кодь жö, он кö ытшкы — мöскыдлысь голясö вунды. Вот, другö, кутшöм миян правлениеным.

— А дисциплинаыс, милöй морт, мян киссьöм телега кодь,— содтис Степан дядь.— И турунсö тэчам ульöн. Мянн Ликö оз кöсйы лоны колхозын медбөръя графаас.

Сиктö ми воим öтлаын Степан дядькöд. Сийö унатор висьтавлис öнйя «праздникъяс» йылысь.

— Татшöм дивöйд важöн эз вöвлы. Петыр лунö кö мортöс аддзывлисны код юрöн, бöрдтöдзыс видлисны. А öнй мый? Некод оз вид, весиг öткымын служащöйяс асьныс грешитöны, карсянь «Победаясöн» воывлöны праздничайтны. Срам!

Быттьökö нарошнö, öти керка сайысь петисны код юра мужикъяс. Найö мый вынсьыс гөрлöпанитиснысьылисны.

— Кодъяс тайö?— юалис Афанасий Александрович.

— Кокныда деньга корсьысьяс. «Шабашникъясöн» шусьöны. Сиктын татшöмыс быдса «братия», морт кызь вит,— висьталис Степан дядь.— А со и Типö Костя локтö.

Улича мöдар боксянь мыччысисны куим сьылысь нывбаба да колхозса завхоз. На водзвылын тшапа осьлалис да юрсö пöлынтьöмөн ворсис баянöн... Ваня Филиппов.

Степан дядь мудера нюммунис, довкнитис юрнас да аслыс шуис: «Быдтор овлö...»

Сьылысьяслөн компания матыстчис мянлань. Родевöс аддзöм бöрын Ваня дугдис ворсны.

— Тян ёртныдлөн зарни киясыс,— менам пельпомö тапнитис колхозса завхоз.— Муртса инмöдчылис — и машина ловзис.

— Донаяс, пыралöй мянö, пыралöй,— Родевлы сойбордъяс кутчысис гажмыштöм нывбаба.— Öдзöс мян ставлы осьса, мый эм — ставыс пызан вылын...

— Афанасий Александрович, налөн машинаыс — во!— певсö лэптыштлис Ваня Филиппов.— Сöмын шофёрыс юртöг уджалöма.

Филипповлөн чужöмыс гөрд, кывъясыс дзугсьыштöны. Родев скöра видзöдлис сы вылö.

— А тэнад юрыд эм? Эк, тэ, шеф! Весась тась, мед дукуд эз вöв! Танй тэтöг юысьыс тырмö.

Рытнас ужнайтйгөн локтис бригадирлөн верöсыс. Сылөн лöзовгөрд чужöмыс шпыннялис. Власьевна,

кодлөн синъясыс талун гудыртчөмабсь, лэптіс сур лагун да кисьталіс кружкаясö.

— Мудз выланыд юыштöй сурсö. Ме лунтыр шпотьвидзи, нарядъяс вöчи...

Коддыштöм кöзьяин уна сёрнитіс, важся уджсьыс ошкис Родевöс. Сэссия мöдіс ошкыны асьыс олöмсö да гöтырсö.

— Юöй, мед ставлөн вöлі нос табаку, и голова во хмелю; тырмас Типö Кöсьталөн сёян-юаныс,— босьтіс кружкасö бригадирлөн верöсыс.— Сійö кужö свет вылад овныс.

И кöзьяин висьталіс, кыдзи сійö зептö визувтö уна сьöм сельпоысь бонаяс видзöмысь, доручастоклы керкаяс стрöитöмысь.

— Менам овмöс вылö став йöзыс шензьöны,— ошйысис сійö.— Карта тыр скöт, керка выльöс лэпті, гектар джын быдмö картошка... позяс на лэччывны базар вылад, адзысьлам на тiянкöд сэнi.

Афанасий Александрович гöрдöдіс. Ме казялі, кыдзи сылөн тiрзисны киясыс.

— Абу омöля овмöдчöмыд,— шуис сійö.— А кымын трудодень колхозад перйин?

— Кодлы нинöм вöчны, мед сэн мырсьöны,— синсö читкыртліс Кöсьта.— Пöтка оз гөр ни кöдз, а век пöт.

— А вöтласны кö колхозсьыд?

— Киясныс оз лыб!

— А лыбас кö?

— Олыштам, видзöдлам.

Афанасий Александрович чеччис пызан сайысь, пасьтасис, сумкаö чукöртіс кöлуйсö да петіс.

Узьны ме петі сарайö. Вöлі ыркыд. Шарöдчысь свежöй кос турунсянь ёна öвтіс ма көрөн. Шыалісны том йöз. Юрын жуисны думъяс: со, мися, кыдзи мöдісны гартчыны миян делöясыд: öти — юсис, мöд — пышйис квартираысь.

Кодкö вөрзьöдіс менсьым кокöс. Ме думайті кöза да мый вынысь чужйи...

— Ой, Настя! Тані, тыдалö, чужъясьысь чань узьö,— серöктіс Валя.

Нывъяс гизигтыр петісны посводзö. Ме чеччи, шыльöдыштi юрсіс, петі на дінö.

— Абу яндзим куйлынытö?— шуис Валя.

— Гашкө, гөтырсө казътылө да,— содтис Настя.

Нывъяс кутисны юасьны Ваня Филиппов йылысь. Вөлөмкө, налөн гармонистыс ворсөмсьыс дон корө. Том йөз гөтөвитчөны концерт кежлө, а гудөкасьысь абу.

Ми мөдөдчим улича кузя корсьны Ваняөс.

Эз узь тайө войсө и Афанасий Александрович Родев. Степан дядь керкаө пыригөн сийө извинитчис, висьталис, мый Ликөлөн керкаыс вывті лудикөсь, дай уна йөз дінад дзескыд овнытө.

Көзяин да Степаника сийөс примитисны радпырысь. Пузьө самөвар. Ошиньсянь өвтө льөм пу дукөн. Кыськө адзысис роч вина бутылка, косьтөм чери, колян вося ельдөг. Сёрнитисны сьөлөмсяньыс сёррытөдз.

Көть Степаника Родевлы вольпасьсө лөсьөдіс горничаө, но мөдыс эз пыр, петис сарайө.

Посводзын куритчыштөм бөрын сийө шумтөг восьтіс кильчө өдзөссө, видзөдліс сиктлань, сэсся лысваөн көтасьөм турун кузя мөдөдчис Эжвалань.

Юрын өдийө чужисны уна пөлөс серпасъяс. Мөвп вылас уськөдіс челядь дырсө, сэсся тайө сиктас олөм. Дас нель арөссянь колис батытөг. Мамыслөн вөлі квайт челядь. Лои пырны лесозаводө, уджалис рамшикөн. Сэсся, кызди и мукөд комсомолецъясөс, мөдөдісны рабфакө. Воськаліс зоотехнической курсъяс вылө, сысянь — тайө сиктас.

Колхоз быдмис и ёнмис. Тані паныдасис Оля Лапшинакөд, сиктса том учительницакөд. Уна рытьяс коллисны Эжва кыр йылын. Сэсся гөтрасисны.

Пансис война. Вит во чөж вөлі фронтъяс вылын, веськавліс мукөд странаясө, куимысь воліс госпитальө. Помнитсьө медбөръя офицерской рыт, көні дивизияса командир прөщайтчис аслас боевой ёртъяскөд да тшөктіс дөрөм сосъяс пуджөмөн босьтчыны мирной уджө.

И збыль, Родев эз жалит вынсө, медым бөр лэптыны колхозной животноводство. Ыджыд сьөкыдлунөн вермис судзөдны дас кык холмогорской мөс. Воисны колхозө и мукөд фронтөвикъяс.

Но унатор эз артмы. Кутшөмкө тыдавтөм вын мешайтчис көзяйстволы. Уна фронтөвикъяс мунисны уджавны вөрпунктө.

Оти районной совещание вылын Родев веськыда висьталіс, мый планируйтөм кузя методьяс некытчө оз туйны, оз сетны колхозникьяслы туй нуодны овмөссө сідзи, кызди колө налы, выгөднөйджыка. Родев висьталіс, мый откымын муяс вылысь озимөйяс колө вердны скөтлы либө силосуйтны, вежны севоборот, шыбитны откымын культураяс вөдитөм, сетны сьөм дворьяс стрөитөм вылө.

Районной начальство петкөдліс сылы пуж, нимтісны саботажникөн, вештісны удж вылысь, муртса эз вөтлыны партиясы.

Бара лесозавод. Уджалис рамщикөн, мастерөн, участкаса начальникөн, сэсся вуджөдісны оти областной учреждениеө. Важөн нин вөлі вунөдөма важся выговор, важөн нин сійөс корисны пуксьыны ыджыджык удж вылө.

Кор заводитчис тридцатитысячникьяслөн колхозьясө воөм, сійө муртса эз сет кыв мунны сиктө, но гөтырыс кутіс, тайө пө том йөзлөн делөыс, а абу ветымын вит арөса стариклөн.

А Эжвалөн ваыс визувтө и визувтө, сөльгө-висьталө ассьыс помтөм мойдсө. «Гашкө, Оля и прав,— чужлісны Родев юрын мөвпьяс.— А мыйла кольччө колхоз? Мыйла? Мыйла өдийө озырмө суседскөй артель? Налөн абу жө бурджык муяс ни видзьяс?»

Кысянькө, Эжва катыдсянь, көні асья еджыд ру пыр ыпьяліс нин асья кыа, кыліс сьылөм:

Көнкө ылын, Эжва йылын
Рочакань кодь ныв олө..
Окаяннөй менам сьөлөм
Ныв дінас менө кыскө.

Пыж матыстчис берег дорө. Сэтысь петісны коймөд бригадаысь машинаясөн ытшкысыяс. Оти том зон, коді, тыдалө, сьыліс пыжын, гөрдөдіс, видзөдіс бокө.

Родевөс төдісны ставөн. Мыйсюрө сөрнитыштөм бөрын шөр арлыда колхозник юалис Родевлысь:

— Афанасий Александрович, тэ веськыда висьтав, позьө тадзи уджавны? Сэсся колхозник висьталіс, мый видзьяс вылын куйлө комыа гектар гөгөр кос турун, а куртны петавлөны сөмын вит-ө-квайт морт.

— Правлениеыслөн сьёлөмыс абу,— содтіс колхозник.

Сиктö воисны найö öтвылысь. Родев юрысь эз петавны мөвпъяс: «Мыйын делöыс? Коді мешайтö колхозлы?»

Кор нин сійö заводитіс вугравны, сылы друг воис мөвп, кодös важөн нин лыддыліс книгаысысь: «Политикасö нуөдöны йöз, сідзкö и ачыс политикаыс за-виситö йöзысь. Көть кутшöм эз вöвны бурöсь индöдъяс, решениеяс, найö колясны бумага вылын, абу кö йöз. Мыйла ёнмö орчча колхоз? Воис Абрамыч, кужис сёрнитчыны йöзкөд, котыртны налысь вынсö, мөвпъяссö да веськөдны ыджыд туйö, кодös восьтіс партия, кодös корö олөм».

И суседъяслөн ставыс артмö. А мыйла тані оз артмы, кор партия сетö помтöм отсөг, смела весалö колхозной туй вылысь став мешайтчанторсö.

«И тані артмас. Колöны кадръяс. Кыдз шуöны колхозникъяс, правлениелы колöны сьёлöма йöз»,— пöшти унмовсигас нин мөвпыштіс Афанасий Александрович.

* * *

Петыр лун аскиö мян бригадир да уна колхозникъяс бара эз петны видз вылö. Регыд поводдяыс торксис.

Менö ыстісны картэшка му вылö. Мудйысьны локтісны тшöтш дас кымын колхозница да Афанасий Александрович. Öні сійö оліс Степан дядь ордын. Мудйысисны коканъясөн, а ёг турунсö нетшкисны киён.

Родев кытчöкö вошліс. Регыд сійö бөр локтіс, вайис окучиватель да заводитіс окучивайтны вөлөн. Колхозникъяс мөдісны шензыны: уджалö пö мортыслөн юрыс.

— Важөн ми тадзи жö уджавлім...

— Куим во коканъясөн пессям, а окучивательяс прöстö туплясьöны.

— Коді мыжаыс?

— Асьным! Коді сэсся?

Тайö лунсяныыс колхозникъяс частö мөдісны сёрнитны Родевкөд. А сійö ветлөдліс керкаясөд, воыв-

ліс муяс вылө, скөтнөй дворъясө, пыравліс колхоз правлениеө.

Поводдя мичаммөм бөрын менө индісны чөвтысьө.

Ассым вөлөс сеті Валялы. Сійө уджаліс Настя пөдругаыскөд.

Лун шөр гөгөр бригадаө локтісны районса представитель, инженер да сиктсөветса председатель. Воысьяслөн пельпомъяс вылын өшалісны кучик лазъяс да ружьяс. Сиктсөветса председатель веськыд киас кутіс рузумъясөн гартыштөм ксаяс.

Бласьевнакөд советуйтчыштөм бөрын найө тшөктісны чукөртны ичөтик собрание.

Йөз чукөртчисны дыша. Өткымынъяс сөйыштісны, водісны видз вылө, пыр жө мөдісны вугравны. Унаөн пукалісны бокрын, сёрнитісны өта-мөдыскөд.

— Төварышъяс, көсйө сёрнитыштны районса представитель. Эй, мужикъяс, таланджык матыстчөй,— корис сиктсөветса председатель.

Представитель час джын кымын висьталіс мирөвөй олөм йылысь, эз вунөд казтыштлыны, мыйла донтөммө французскөй франк, кымын тонна из шом оз тырмы Швециялы, уна-ө сулалө африканскөй лев, кымын морт пируйтөмны английскөй королевалөн свадьба вылын. Сэсся видыштіс колхозникъясөс да тшөктіс бурджыка уджавны.

— Эмөсь вопросъяс?— шыасис сиктсөветса председатель.

Некод нинөм эз шу, унджык йөзыс узисны ныргорөн.

— Висьталөй, кызди страдуйтөны мукөд бригадаысын?— юаліс Степан дядь.

— Кызди район да сельсөвет веськөдлөны тайө кампаниянас?— содтіс Афанасий Александрович.

Представитель мыйкө нурбыльтіс, но төлкөн нинөм эз висьтав. Сиктсөветса председатель көсйис нин тупкыны собраниесө, но өткымын узысьяс садьмисны, локталісны матөджык, вопросъяс мөдісны содны.

— Ті висьталөй, мыйла вузавлөны колхознөй видзьяссө?

— Кор сетасны аванс?

— Кымын морт эз уджав Петыр лунө?

— Мыйла он сетөй тракторнөй косилкаяс?

— Дырö кутас висьöдчыны колхозса председа-
тель? Кор вöтласны сійöс курортсьыс?

Сёрнитны мөдiсны ставöн.

— Ланьтлöй, суседъяс,— горöдiс Степан дядь.—
Ме кыв-мөд шуа. Мыйла миян эндö джын виддзыс?
Сійöн, мый джын сиктыс оз уджав, а мөд джынйыс
видзьяс вылö петö лун шөрнас. Қызди сиктсöвет
отсалö страдуйтны? А ме юала: кытчö талун предсе-
дательыс косяяснас мунö?

— Аслыс страдуйтны!— öтпырйö шыасисны некы-
мынөн.

Қыв корис Родев.

— Мыйла омöльтчис «Искра» колхоз?— юалис
сійö и ачыс жö висьталiс:— Колхозникъяс дугдöны
эскыны колхозыслы, чайтöны дядьöлы уджалiг. Миян
партия сетö ставсö, медым лэптыны овмöссö быд
колхозлысь, быд колхозниклысь, а танi колхознöй
руководство ньöти оз тöждысь колхозсö ёнмөдöм ни
колхозникъяслысь олöмсö бурмөдöм вöсна.

Афанасий Александрович ёся критикуйтiс колхоз
правлениеöс, бригадирöс, кокни нажöтка бöрся вöт-
лысьысьясöс.

— Тэ, Александрович, сöветуйт, мый вöчны миян
бригадиркөд?— юалис олöма колхозник.

— Шöяöдыс тодмышкавны!

— Аслас сарапан сайö мужик-спекулянтсö дзебö!

— Мед Валя Лыткина бригадиралас!— мөдiсны
ызгыны колхозникъяс.

— Қöзьяинъясыс — тi, асьныд и решайтö,— шуис
Родев.

Собрание шуис Типö Ликерияöс чöвтны бригади-
рысь, сы местаö пуктыны Валя Лыткинаöс. Сэни жö
шуисны, оз кө аски видзьяс вылö петны Типö Кöсьта
кодь йöз — вöтлыны колхозысь.

Колхозникъяс разöдчисны асланыс местаясö.
Районса представитель да сиктсöветса председатель
кураньясөн тшöтш довгисны куртысьяс дiнö.

Бригада уджалiс войся лысваöдз. Пыжөн ю
вуджигөн Валя видзöдлiс менам синъясö, сэсся шöп-
нитiс: «Эштан кө, рытнас пырав миянö».

Сиктладор берегö воём бöрын Настя гусьöник
кыйкьялiс синъяснас, тыдалö, корсьысис Ваняöс, кодi
өнi ветлөдлiс колхознöй машинаөн.

Видзвывса собрание бõрын Родев кызкõ аслас тõдлытõг ещõ ёнджыка пырис колхознõй уджõ. Тõдмасис колхозникъяскõд, кодъяс быд сьõкыдтор кузя кутисны шыõдчыны сы динõ, быттьõ председатель динõ. Котыртисны колхозникъясõс авансируйтõм, тõдчымõн бурмис дисциплина, уджыс мõдõдчис ладмыны. Афанасий Александрович унаысь гусьõн думайтлис сы йылысь, мый эськõ вõчис сийõ õни, кольõм вося моз кõ кутисны ыстыны колхозõ. Абу нин сэтшõм страшнõй вõлõма уджыс сиктын, кызди кажитчылис сәки.

Ми эг казаявлõй, кызди помасис страда да ковмис бõр мõдõдчыны карõ. Колльõдны воисны бригадаса став том йõз.

Ваня Филиппов новобранеч моз сулалис вõччõм Настя динын да гудõкасис. Баянõн Ваня ворсис Настялысь медся радейтана сьыланкывъяссõ.

Нывъяс, õта-мõдныслы сойбордъясõ кутчысьõмõн, матыстчисны баянист динõ да заводитисны гораа сьывны. Налõн сьылõмыс лэбзис лõнь Эжва берегъяс весьттi, вуджис юсõ да разалис кõнкõ ылын.

Мекõд орччõн кер пом вылын пукалис миян том бригадир Валя Лыткина, пõся чабыртлывлис менсьым киõс. Сийõ кадысь кадõ ыджыда ышловзывлис да корис гижны письмõ.

Афанасий Александрович сулалис мужикъяс дорын. Сылысь кисõ топыда кутлис Степан дядь да шуис: «Но, бур морт! Эн вунõд миянõс».

Машина кузовсянь ми дыр видзõдiм бõрõ кольысь сикт вылõ.

Карõ воõм бõрын менõ пыр жõ ыстисны тõлысья командировкаõ.

Командировкаысь воõм бõрын пыри учреждениеõ да падми: комнатаын некод эз вõв. Видзõдлi аслам пызан вылõ. Сәни, стеклõ улын, тыдалисны уна пõлõс конвертъяс. Ме тәрыба чукõрти став письмõяссõ, сәсся дзеби морõс зептõ.

Комнатаõ пырис миян начальникным — Семён Гаврилõвич.

— Воин? — нимкодъпырысь шуис сийõ.

Ме юали, кõнõсь, мися, йõзыс.

— Эн нин сёрнит,— кинас өвтыштіс начальник.— Сирөтаясөн колим. Пасибө пыдди со мый керис Афанасий Александровичыд.

— Мый нө?


— Дас во уджаліс, первой работникөн лыдди, витысь мездылі районө уджавны мөдөдөмысь, а сійө, со... колхозө председателявны пышйис да Иван Филипповөс тшөтш кыскис.

— И Филиппов муніс!?!— горөді ме.

— Тшөтш пышйис...— макнитіс кинас Гаврилөвич.

— Вот тайө шефъяс! Тэ гөгөрво: найөс важөн нин виччысьоны Эжва дорса өти сиктын дай олөмыс тшөктө вөчны тадз. Тэ гөгөрвоин, Гаврилөвич?

Гаврилөвич гогнитіс юрнас, видзөдліс ме вылө, сэсса муртса нюммуніс.





ШУРИК

Шурик садьмө мамлөн сёрниысь:

— Ок-ок! Мый бара вöчны тэкöд? Ус-пельыс оз тыдав дөрöм-гачыдлөн. Көнi бара ректысин-а?

Шурик бергöдчö вольпась вылын, кусыньтчö тупыль кодь комökö. Эк, шоньд да лöсьыд жö шебрас улын! Кötь быдса лун сэнi нюжвидз.

— Чеччы нин, йöзыс удж вылö мунöны,— броткö мамыс.— Видзöдлы гачтö, мый вылö туйö.

Шебрас улын шы ни төв. Комнатаын кылö сöмын пачын пелөн трачкöдчöмыс да стенин öшалысь часi-лөн тiчкöмыс.

Ышловзёо мам, чеччö öшинь дорысь, гольöдчö бекар-паньöн. Недыр мысти дзуртыштöмөн воссё керка öдзöс.

— Бур асыв, пöдругаöй,— нюркйöдлöмөн шыасьö пырысь.— Кöзяиныд тай, тыдалö, век на шойччö?

Гөлöс сертиыс Шурик тöдö: пырис Марпида тьötка. Сийö быд асыв волö мам дiнас, нуödчыны вөрö, уджавны. Найö кыкнанныс увъяс кералöны пөрöдчысьяс дiнын...

— Шойччö тай. Бур удж бöрад, тыдалö, быдöнлөн узьсьö,— ышловзёо мамыс.— Видзöдлы гачсö, мый вылö туйö?

— Мый сійо гачыд, пөдругаой. Миян Василь төрыт гын сапөгсө код төдас көні сотөма розьөдз,— пыльс-муні-серөктіс Марпида.— Тіян көть бур удж вылө велө — кузнечө велөдчө. А миян мый?

— Эн сёрнит, Марпид... Гөгөр нин ставыс саёсь. И кымынысь нин шулі кузнечьяслы, а налы весь-кодь — сөмын шпыннялөны.

— Пөдругаой,— шыасис Марпида,— вайлы пурт-тө, миян Василь ставсө новліс, весиг жель вөлыштны нинөмөн.

— Со тай, пызан вылас. Босьт. Сөмын пөльзаыс абу: тупича кодь ныж.

— Мыйла нө кузнечтө он тшөкты лэчтавны?

— Дугды нин, Марпид, ышөдчынытө. Мед нин көть сійөн оз вөдитчы.

Марпид кок чуньяс йылын матыстчө крөвать дінө, кыкнан кырымнас шамыртө Шурикөс. Шебрас улын кылө серөктөм. Шурик чужьясьө кокьяснас, пыдө-джык дзёбсьө.

— Пөдруга, чаньпи кө тані куйлө-а? А көні нө Шурикыд?

— Чеччы нин, Шурик, тырмас боктө пөжны,— тшөтш шыасьө мамыс.

Но Шурик вылөджык лэптө шебрассө юр вылө.

— Тэ эн на кывлы, пөдруга?— вашкөдөмөн заводитіс сёрнитны Марпида.— Войнас пө контора дорө воөмны кык «Победа». Миян Василь, небось, важөн нин сэні, өчередын сулалө, карөдз пө көсийөны исков-төдлыны.

Шебрас улын тупыль заводитчө бергавны, разь-сьыны...

— Асьтө пөръявлы... Төрыт спутникөн пөръялін, талун — «Победаөн»?— мыччысьө юрыс Шуриклөн.

Мам да Марпида тьөт мыйкө дыра сёрнитісны ас костаныс, вензыштісны.

— А кутшөм рөма «Победаыс»?— юалө Шурик.

— Гөлубөй. Номерыс 15-25...

— Сідзкө, дядя Петя воис,— чургөдө кокьяссө Шурик, чеччыштө джоджө.

Марпида тьөт регыд вошө өдзөс сайө.

Заводитчө гач, дөрөмьяс, гын сапөгьяс корсьөм. Лыбыштлө шум мыссигөн, сөйигөн...

Мам пасьтасьö, сеталö Шуриклы медбörья индöдьяс: лунтыр пукавны гортын либö бабушка динö мунны.

— Эн шогсы, мам, ставсö вöча,— йизьöм öшинь вылö видзöдигтыр шуалö Шурик.

— А мунан кö кузнечаö, сэсся ог нин лэдз гортö. Кыдзи кужан, бать мозыд сідзи и шöйт ывлаöдыс,— Шуриклысь юрсисö шыльöдигмоз грöзитчö мам.

— А папыс пыр ветлö ывлаын?

— Ветлö тай. Тыдалö, аслас уджсьыс яндзим восьтыны синъяссö бур йöз водзас,— ышловзьö мам.

Шурик вöтөн моз нин тöдö папсö. Удж бöрын сылы пыр ваявліс кампетьяс, вöчліс чачаяс, новлöдліс Шурикös спина вылас. Öти лунö керкаö пырисны уна дядьö. Батьыс вöлі зэв тешкодь — кага моз öтарöмöдарö шатлаліс джодж шöрын, мый вынсьыс горзіссьыліс. Сэсся папыс кватитіс öти дядьöös, косявліс сылысь дөрöмсö. Аскинас локтіс гөрד картуза дядь, мыйкö дыр гижис, а сэсся нуöдіс папсö.

— Мам, тэ висьтав папыдлы, мед гортö нин воас и мен коньки ваяс.

— Кысь нин ваяс. Письмösö гижны нин со весиг дугдіс-а.

— Мам, тэ ньöб меным либөнösь.

— Ладнö, ладнö, сöмын горттö бура ов,— керкаысь петігөн мам окыштö писö.

Недыр мысти шкапысь петкөдчöны ыж куысь вурöм ичöтик пась, гöна шапка, кузь шарп. Пач горсйысь чеччыштöны кепысьяс. Пызан вылын куйлысь пурт гартчö бумага пытшкö, дзевсьö пась зептö. Ыджыд роскөн тасассьö кильчö öдзös.

Войнас нöшта на вылөджык быдмöма керкадорса лым гöра. Гырысьмöмны и лым ёкмыльяс коз пу увьяс вылын. Кок улын гораа дзуртö лым. Көдзыдөн öвтысь тöv кösйö чепöльтны ныр, бан бокьяс..

Улича шöрын кыськö казаявлытөг Шуриклы морös вылас ыджыд радлунөн уськөдчö Джульбарс, Марпид тьоткаяслөн ыджыд гөрд пон. Сійö исалö зепьяс, кепысьяс, судзөдчö нюлыштны чужöм бок. Сэсся Джульбарс кыкысь тьявкнитö көдзыд сынөдö, чангыльтö бöжсö, заводитö тшапа рөдтыны Шурик водзвылын.

Филипповьяслөн керка дорын — мегыр кодь сюрь-

яса кѡза. Сійѡ кавшасьѡма вѡсньыдик пипу дінѡ, еджыд кузь пиньяснас тѣрмасьѡмѡн йирѡ пусѡ.

Сынѡдын кылѡ ньѡрлѡн швичмунѡм шы. Кѡза тѣрыба чеччыштѡ пу дінысь, скѡра видзѡдлѡ детинка вылѡ, сѣсся довкнитѡ юрнас да, дыша тувччалѡмѡн, веськѡдчѡ керка бокин сулалысь турун зорѡдлань. «Омѡля инмис,— думайтѡ Шурик.— А коліс эськѡ ёнджыка. Гырысь зонкаяс быд кѡзаѡс вѡтлѡны пуяс дінысь паличѡн. Кузнечлѡн отсасьысьыс, Лѣша, кѡсйысьѡ сетны быдѡнлы книга, коді вѡтлас кѡзаѡс пуяс дінысь».

Магазинлысь ѡдзѡссѡ восьтѡм бѡрын сѣтчѡ медводз вошис Джульбарс.

— Мый морсѡ кыскасянныд, кѡдзыдсѡ новлѡдлад,— еджыд ру пыр кыліс вузасьысьлѡн гѡлѡс.— Вѡтлы понсѡ, а то асьтѡ ськѡд тшѡтш шошаѡдыд петкѡда.

Пырысь нинѡм эз шу. Сійѡ чышкыштіс чужѡмсѡ, матыстчис прилавок дорѡ. Гын кѡм гѡлень вылѡ сувтѡмѡн Шурик дыр синьяснас корсис колантор, но нинѡм эз аддзы.

— Мый нѡ, Шурик, колѡ?— шыасис бокин сулалысь нывбаба.

— Коньякыс.

— Батьыдлысь кор,— скѡрысь вочавидзис вузасьысь.— Сылѡн, небось, киясыс зѣв мастерѡс ставсѡ вѡчны. Василий Иннокентьевичлысь сѣтшѡм бур дѡрѡм косявліс, кутшѡмѡс карысь весиг он аддзы. Этша сылы кык восѡ сетлісны. Яндысьтѡм син, миян гозьяѡс гусясьысьясѡн шуліс. Принуд бѡрас коймѡд тѡлысь нин яндысьѡ локны татчѡ.

— Но-о! Тѣ тай, Петровна, сѣсся вывті жѡ нин кутін,— югнитыштісны синьясыс мѡд нывбабалѡн.— Федяыс зѣв бур морт вѡлі, абу тѣнад мужик кодь, эз, майбыр, корсьлы шоньд местаястѡ. Косявліс кѡ сылысь дѡрѡмсѡ тѣнад мужикыд, дерт, некутшѡм суд ни принуд эз вѡв... Ас йѡз костад, Петровна, быдторйыд овлѡ.

— Мый корсян, сійѡс и аддзан,— читкыртліс синьяссѡ вузасьысь — Мѡдысь кутас тѡдны, кыз честнѡй йѡзѡс шуны гусясьысьясѡн.

— Петровна, ме эськѡ та кузя нинѡм ог тѡд,—

довкйӧдлӧ юрнас нывбаба,— но йӧз костас быдсяма сёрнияс ветлӧны. Унаӧн дивуйтчӧны: кысь тӧян сьӧмыс аддзисис во джынйӧн квайт пельӧса выль керкасӧ лэптыны, скӧт лӧсьӧдны, ньӧбны радиолаяс, ков-ёръяс...

— Висьтав ставыслы: миянлы сё сюрс шайт облигация кузя локтис,— вочавидзис вузасысь.

Шурик паськӧдӧм синъясӧн кывзис сёрнисӧ, и сылы эз ло лӧсьыд сьӧлӧм вылас. Сийӧ жугыля видзӧдис пач вылӧ да эз тӧд, мый вӧчны. Но тайӧ каднас Джульбарс нюлыштис сылысь кисӧ, мелӧа видзӧдлӧс детинка вылӧ, и кыкнанныс веськӧдчисны ӧдзӧслань...

* * *

Ок и пӧрысь жӧ нин Шуриклӧн бабушкаыс: юрси-ыс лым кодъ еджыд, чужӧмыс уна чукуръяса, джодж кузя ветлӧдлӧ копыртчӧмӧн. Кыдзи и пыр, бабушка кутлӧ юрсӧ Шуриклысь, окыштӧ, шонтӧ кияссӧ.

Быд волӧгӧн бабушка видзӧдӧ стенин ӧшалысь карточка вылӧ, шӧпкӧдӧ аслыс: «Абу тэныд яндзим татшӧм мича письыд? Дыр-ӧ кутан зимӧгоравны? Кор нӧ тэ мывкыдсӧ аддзан?»

Татшӧм карточкаыс эм и Шурикъяслӧн пызан вылын. Мамыс унаысь жӧ видзӧдлывлӧ сы вылӧ, сэсса пыр кутыштли Шурикӧс да шулывлӧ: «Лэдзам ог паптӧ гортӧ?»

Вывтӧ интереснӧ, ставлӧн эмӧсь папаяс, а Шуриклӧн — эм и абу.

Бабушка пуксьӧдӧ Шурикӧс пызан дорӧ, ваялӧ йӧв, кисель, гӧрд варенньӧ. Гӧсть чӧсмасигкостӧ бабушка видлалӧ сылысь паськӧмсӧ, шапкасӧ; пыралӧ горничаӧ — вайӧ гӧрд сера визьясӧн кыӧм ичӧтик кепысь.

— Танӧ кутан пукавны али нӧшта кутшӧмкӧ могъяс эмӧсь?— юалӧ бабушка.

Шурик пыркӧдӧ юрнас.

— Кӧть машина улӧ эн сюр! Эн кынмы, эн вош. А тайӧс кепысяв, важыс оз нин туй,— Шурикӧс пасьтӧдӧгӧн лыддьӧдлӧ бабушка.

Лесопункт контора дорын, дерт жӧ, некутшӧм гӧлубӧй «победаяс» оз сулавны. Весиг следыс некӧн оз тыдав.

Шурик кӱсйис нин бергӱдчыны кузнечалань, но друг кылӱс тӱдса гӱлӱс:

— А-а, Александр Фӱдорович! Важӱн нин, важӱн эн пырав! Абу бур, кор важ другтӱ вунӱдан.

Тайӱ — лесопунктса бухгалтер Зайчиков дядь. Мыйла татшӱм кузь, косӱник дядьӱсӱ шуӱны Зайчиковӱн — Шурик некыдз эз гӱгӱрво.

Зайчиков дядь лӱччӱ пос кузя, малыштӱ ассьыс кузь нырсӱ, босьтӱ сой вылӱ детинкаӱс.

— Вывтӱ, вывтӱ омӱль, Александр Фӱдорович, важ другьястӱ вунӱдны,— ӱдзӱс осьтӱгӱн сӱрнитӱс Зайчиков.— Дзик некодкӱд варовитыштны, вежласьны мнениясӱн.

Триньгӱ телефон. Зайчиков дядь кызӱктӱ, торжественнӱ босьтӱ трубка.

— Кывзӱ Каменка. Мый? Бара Камбалов! А тӱ эн сетчы! Мун веськыда директор дӱнӱ. Менӱ став йӱз-ыс поддеживайтӱны, весиг Александр Фӱдорович, кодӱ пукалӱ мекӱд орччӱн. Сӱдзи и висьтав.

Трубка крапкысьӱ аппарат вылӱ. Зайчиков дядь ыджыд носӱвӱй чышьянӱн чышкӱ плешсӱ, кузь нырсӱ.

— Гӱгӱрвоин, Александр Фӱдорович, мыйын делӱыс?— ӱчкисӱ шуйга кинас лӱсьӱдӱгтыр нюмьялӱ Зайчиков дядь.— Эсӱйӱ Камбаловыс бара оз сет деньга выль туй вӱчны. Гӱгӱрвоин? Ладнӱ. Сюрлӱ сӱйӱ профсоюзнӱй конференция вылын, тӱдны мӱдас, кутшӱм йӱз олӱны Каменка лесопунктын.

Шурик, дерт, таысь нинӱмтор эз гӱгӱрво.

— А ӱнӱ, другтӱ,— чеччӱ места вывсьыс Зайчиков дядь,— вай чай юыштам. Чайыд — бур лекарство.

Кӱтъ Шуриклы нинӱм оз ков, но век жӱ, кыдзи и быд лун, ковмас юны чай стӱкан джын.

Шкапысь перйысьсӱ печеннӱ, кампет пачка. Сӱрнияс мунӱны водзӱ. Чужӱмсӱ вывтӱ зумыша вӱчӱмӱн (мед эськӱ эз жӱ пет серам) Зайчиков дядь висьталӱ, мый бухгалтерия — медся коланторйыс быдлаын. Бухгалтериятӱг оз позь лӱдзны спутникьяс, стрӱитны электростанцияяс. Свет вылас эськӱ ӱнӱдз на эз вӱвны радио, электроннӱй машинаяс, лӱбалысь ТУ-104 — эз кӱ вӱв бухгалтерия. Бухгалтерия — сӱйӱ быд мортлӱн мӱд душа, и дерт жӱ, Шурик должен лоны бухгалтерӱн.

Шурик, тѳдѳмысь, бара нинѳм эз гѳгѳрво. Но сылы любѳ, мый ыджыд дядьѳ сѳрнитѳ ськѳд татшѳмторъяс йылысь. Кор Зайчиков сѳрнитѳс телефон пыр Камбалов йылысь, Шуриклы юрас воисны серпасъяс, кызди кѳнкѳ ылын камбала кодъ чери новлѳдлѳ деньга тыра мешѳк, оз кѳсйы сетны некодлы, и кызди Зайчиков дядь мырддѳѳ сылысь деньга мешѳксѳ, медым вѳчны туй.

Зайчиков дядь мыйкѳ гаралѳ ревизоръяс йылысь, кодъяс магазиньсы видлалѳны быд щель.

Шурик мѳвпалѳ, кызди локтасны ичѳтик, гут гырся, ревизоръяс, пырасны магазинса щельясѳ. Сѳрни, гашкѳ, мунѳс на водзѳ, но ѳшинь улын кыліс Джульбарслѳн гѳлѳс.

Ывла вылын неуна муныштѳм бѳрын Шурик водзын паньдасис кык туй: ѳтиыс — гаражлань, мѳдыс — кузнечаѳ.

Шурик полѳмѳн видзѳдлывлѳ гаражлань. Помнитѳ сйѳ кольѳм гождѳмсѳ. Найѳ куимѳн котралѳсны машинаяс гѳгѳр. Шурик эз казьявлы, кызди сылы друг зургис юрас машиналѳн кузовыс. Сйѳ уси. Горѳдѳсны челядь. Машинаыс кѳ бѳрынтьчис нѳшта кык весьт, ѳнѳ эськѳ Шуриклы не гуляйтны Джульбарскѳд. Таясь бура сюрыштѳс мамсянь, а шофѳрыс, Колька Коданѳвлѳн папыс, муртса эз ѳткажитчы шофѳравны. Шурик сетѳс кыв: оз кут пырны машинаяс улѳ. Сы вѳсна и ѳнѳ сйѳ муно кузнечаѳ.

Ылісянь на кылѳ кѳрт мѳлѳтлѳн шыыс: тринь-тук! Тринь-тук!

Медым веськавны кузнечаѳ, колѳ писькѳдчыны мастерскѳй пыр. Пѳтѳлѳкын луннас ѳзйѳны лампочкаяс. Лампочкаяссѳ ѳшѳдѳма быд станок дѳнѳ. Шурик медся радейтѳ кузь ыджыд станок, код вылын тѳчитѳны машинаяслысь медся гырысь частьяс. Сы дѳнын мукѳд станокъяс кажитчѳны зѳв ичѳтѳсь, быттьѳ ыджыд морт дорын челядь. Станок пинь улысь петѳ гартчысь лѳзов кѳрт лента, кодѳс шыблалѳны ывла вылѳ.

Мастерскѳйлѳн веськыдвылын эм комната, кысянь кадысь кадѳ ыпьялѳ лѳзов югыд би. Сѳтчѳ челядьѳс оз лѳзны. Сѳнѳ Васильлѳн батыс лѳз биѳн вундалѳ кѳрт листьяс, пуѳдѳм стальѳн клеитѳ кѳрт частьяс.

— Тринь-тук! Тринь-тук!— кылö кузнечасянь.

Муртса воссыштöм öдзöсöд мыччысьö Шуриклөн юрыс. Нырö локтö важысянь нин тöдса курыд тшын дук. Но кутшöм сийö чöскыд!

Тані ставыс тöдса Шуриклы. Паськыд пельпомьяса, муртса гөрбыльтчыны заводитöм кузнеч, Ольö дед, кузь клешён кутö кельдöдöм көрт лист. Дедлөн отсасысь Лёша шенасьö мөлötөн. Кыкнанныс дөрöм да партук кежысьöсь, кыкнанныслөн чужöмьястыс визувтö пöсьыс.

— Тринь-тук! Тринь-тук!— кылö мөлöt улын.

Быд кучкöм бöрын кузнеча пасьта öтарö-мөдарö лэбöны би киньяс. Пельöсын чушкö гор. Гөгөр ваяйтчöны көрт листьяс, ичöt и гырысь мөлötьяс, клешияс, напилökьяс, быдсяма пөлос колесаяс.

Лёша медбөрьяысь камгö көрт листö мөлötөн да пуктö сийöс муö, соснас чышкалö съодасьöм чужöмсö.

Дед ичөтджык мөлötөн нöшта кык-ö-куимысь кучкис көртö, лэдзис көртсö ваö. Ва ёна дзожгö, вевлань лыбöны еджыд ру ёкмыльяс.

— О-о! Шурка тай локтöма,— Шурикöс аддзöм бöрын жергöдö еджыд пиньяссö дед.— Сёрмин, другö. Ми öбед вылö нин веглим, а тэ весиг ныртö на эн мыччыв.

— Матыстчы, матыстчы, друг морт,— корö Лёша.— А тэ, Ольöш дядь, öшыбайтчан. Шурик прөгул эз вöч. Омöля тэ законьяссö тöдан.

— Но инöсь. А кутшöм нö сэтшöм законыс, кодi прөгульщикöс ошкö?— синьяссö читкыртöмөн юалö дед.

— Шурик кодьясыд öнi уджалöны нель час. А ме кодьыс — квайт час,— гөгөрвоодö дедос Лёша.

Дед öзтö папирос, орччөн Шуриkköд пуксьö гор динö. Заводитчö юасьöм-висьтасьöм. Шурик гаралö коньки йылысь, кыскö зепсыс бумагаö гартыштöм ныж пурт, мыччö дедлы.

Недыр мысти кузнечаын бара кылö көртö кучкалöм шы. Кузнечыскöд тшötш тэрыба ветлөдлö съодасьöм чужöма ичотик морт, тэчö горийö из шом, чукөртö быд пөлос посни көрта колуй. Кылöны гөлөсьяс.

— Шурка, кутыштлы клещисö!



Б. П. Пунегов. Выль тѳдсаяс.

— Эй, помощник, мыччыв ножичсö!

— Судзöд, друг морт, стöкан ва!

Лёша уджалö сöмын нель часöдз, велöдчö рыгъя школаын. Рёмдигөн кузнечаö колисны сöмын кыкөн. Дед лэчталö пурт. Сэсся öзтöны лампочка, заводитöны дорны, орьöдлыны, шыльöдны частьяс. Тайö кадыс кузнечаын. пöжалуй, медся интереснöй. Кузнеч тöдö сы мында мойдьяс, висьтъяс, кöть войöдзыс кывзы. Шурик бура нин тöдö роч муыввса медъён багатыръясöс, «Варяг» да «Аврора» крейсерьяс, будёновецьясöс да Чапаев йылысь висьтъяс.

Горйын öзйысь шом öвтö шоныдөн. Дед висьталіс нин, кызди лэбалöны спутникьяс, кор йöз локтасны тöлысь, а сэсся и кодзувьяс вылö.

— Воас кад, и шуасны тэныд: пуксьы, Шурик, аппаратас, мөдöдчан мөд планета вылö. Гашкö, ме ог нин сэк ло. А тэ, другö, эн вунöд менö. Кор воан тöлысь либö нöшта кутшöмкö мөд му вылö — гиж сэтчö менсьым нимöс да овös, мед тöдасны: вöвлі пö сэтшöм кузнеч му вылын.

Пач шонтö и шонтö Шурикöс. Синъясыс сылөн заводитöны куньсыны. Вевдорö чеччалöны би киньяс, югъялöны да кусöны вевт дорын... Регыд Шурик-лы кугіс кажитчыны, кызди öти гөрд би кинь заводитіс öдйö быдмыны, лои спутник ыджда, а сэсся самолёт кодь.

А самолётсыс мыччис юрсö Лёша, ас дінас корö Шурикöс: «Кöсьян видзöдлыны тöлысь — пуксьы ме дінö». Спутник-самолёт öдйö кыпöдчö сынöдö, весиг кодзыдыс локтö нырöдз. Со матыстчöны нин тöлысь дінö, бара лои шоньд. И друг көнкö кылö мамыслөн гөлöс...

* * *

Öльöш дед видзöдліс аслас ичöтик отсасысь вылö, а сэсся сьöд тош пырыс сьöлөмсянныс нюммуніс.

Дедлөн öдйö чужöны мөвпьяс: батыслөн ичöтик кузнеча, татшöм жö ичöтик детинка узыльвліс гор дінын. Сэсся батыс кувсис, лои аслыс заводитны мырсыны, корсыны сёян-паськөм. Кузякодь нин олö ассыс нэмсö Алексей Алексеевич. Унатор нин аддзы-

ліс олёмсьыс дед: тшыгъялёмъяс, войнаяс, кык революция, выль олём стрөитём. Вөліны и пьян, внукъяс нин абу ичөтөсь, но кытчөсюрө ставыс разөдчисны: коді Сибырын олө, коді карын уджалө. Корөны эськө ас дінаныс овны, да кызди нө торйөдчан рөднөй пармасьыд. Олөны да вылөны кыкөн, старик да старука. Пенсия нин сетісны, но оз пукавсьы гортас, тшын дукуыс кыскө кузнечаө.

Шуда кадө чужлөма Шурик. Правда, папыс абу. Но сійө локтас. Төдө дед сійө батылысь, Федялысь, характерсө, сы дінын быдмис и уджаліс кузнечөн. Кежліс олан туйсьыс; дерт, переживайтө өні. Но, нинөм. Ставыс кольө бөрө, вунө, кызд мисьтём вөт.

Дед восьтө шкап өдзөс, перйө ас вөчөм коньки, певнас видлө дорышсө, сэсся суйө зептас. Матыстчө узысь детинка дінө, ньөжйөник лэптө сійөс морөс дорас. Кузнечаын кусө би.

Төвся сөстөм небесаын сярвидзисны нин быдсяма рөмъясөн дзирдалысь кодзувъяс.

* * *

Шурик садьмө. Дыр оз гөгөрво, көні сійө. И кызди веськаліс шебрас улө? Вөлі жө кузнечаын? А спутникыс көні? А Лёшаыс?

Комнатаын кылө мамлөн гөлөс:

— Мый ськөд сэсся вөчан, Ольөш дядь? Ог нин тшөкты петны гортысь, а кызди удж вылө муна, сійө важөн нин кузнечаын.

— Төлка быдмө мужикыс. Ичөтсянныс төдчө, бур кузнеч быдмө,— висьталө дед.

— Эг тшөкты ни пуртъяс нуны, ни конькияс корны, а сійө со мый вөчө, йөзсө грекө вөйтө.

— Эн майшась, пөдругаөй,— лывкйөдлө Марпида тьөтка.— Көзяиныд — көзяин и эм. А миян Василь талун шапкасө бара пөдаритөма... А конькисө мичаөс вөчөмыд, Ольөш дядь!

— Батыс локтас да мед видзөдлас, кутшөм сылөн зарни пи быдмө,— кылө бабушкалөн небыд гөлөсыс.— Юалө тай со — примитанныд-ө гортө? Тайө луньясө көсйө воны.

Коньки йылысь сёрни кылөм бөрын Шурик лэптө

юрсö, йöз вылö видзöдлытöг матыстчö лабичлань, кöм югъялисны конькияслөн дорышъясыс.

— Мыйысь нö повзин, кузнеч? Босьт. Тэнад узигкості кузнечаö пыраліс дед-мороз,— нюмъялö дед.— Тайö конькисö пö сетöй лесопунктса медся ичöt кузнечлы. Босьт, друг морт...

Рытыс муніс гажаа. Марпид тьöt сьыліс кык песня. Весиг бабушкаыс отсасис сылы. Öльöш дед юис квайт стöкан чай да прöщайтчис. Разöдчисны и мукöдъяс.

Шурик быд ногыс видлаліс конькияс. А тайö кадö мамыс пукаліс пызан дорын, дыр видзöдіс öти карточка вылö.

Кусі би. Мам меліа шыльöдіс юрсисö пиыслысь, пыдісянь ышлолаліс. Ун öдйö шымыртіс эня-пиаöс.

«Тут-тук. Тук-тук»,— ун йывсьыс муртса кылыштö Шурик ывла öдзöсö йиркöдчöм.

Но сылысь мудзöм ки-коксö чорыджыка шымыртö ун, оз сет восьтыны синъяс. Недыр мысти кильчö öдзöсын бара кылö тотшкöдчöм шы.

Мам öдйö восьтö синъяссö, тэрыба пасьтасьö. Биасьöм бöрын восьтö керка öдзöссö.

— Федя, тэ?

— Ме.

Аскинас лесопунктса пывсянын дежурнöйыс быд воысь мортлы нюмъялöмөн висьталіс:

— Пырöй, пырöй. Сэні асывсяньыс нин нель кузнеч пывсьöны.

— Кысь сы мында кузнечыс?

— Видзöдлöй. Сэсся ставсö гөгөрвоанныд.




26641

БИБЛИОТЕКА

Краёв Музей

Коми АССР

Смехтывкар.



1 ш. 12 к.
с 1.1.61 г. 12 к.